

Lat.



Hive

DISSERTATIO
DE
ANTIQUA
PRUSSORUM
REPUBLICA.

A primis ejus incunabulis usque ad
An. M. D. XXV, quo Albertus Marchio Brandeburgi-
cus, positus Ordinis Teutonici insignibus, habitu & nomine,
Prussiam titulo Ducis obtinuit.

Consensu Amplissimæ Facultatis Philosophicæ
In Illustri Albertina

Sub PRÆSIDIO

M. CHRISTOPHORI Hartknoch/
Passenheimensis Prussi,

Publico Exuditorum examini exposita

Ab
HENRICO FRIDERICO à RIPPEN
Nobili Prusso.

Ad diem Febr.
An. MDC. LXXVI.
horis locoq; solitis.

REGIOMONTI, Ex Typograph. Reichiana.



GENEROSO & MAXIME STRENUO
DOMINO,

D. HENRICO
à RIPPEN,

Hereditario, Domino in Perefau
&c. &c.

Patruo suo omni observantiae cultu atatem
prosequendo

D. D. D.

HENR. FRID. à RIPPEN.

K. III. 18. (c)

I.
ANtiquam Prussiae Rem-
publ. paucis illustraturi, ut cò distinctius progrediamur, ad quatuor migrationes iam alibi à nobis enumeratas respiciamus necesse est, cum variantibus populis variarit & ipsa Reipublicae forma. Inter illas migrationes prima fuit migratio *Venedarum* sive *Venedorum* (utrumque enim occurrit apud Scriptores antiquos) qui aliàs dicti sunt *Slavi*: Secunda *Gothorum*, qui fuerunt *Germani*: Tertia *Lithuanorum*: Quarta iterum *Germanorum* sub Ordine Teutonico. Fuerunt quidem plures forsàn migrationes huc in Prussiam susceptae, illae tamen quas modò enumeravimus fuerunt praecipuae, quae gentem in Prussia repertam in suam linguam & mores traxerunt; licet negari non possit, succedentes etiam populos aliquando non pauca traxisse ex moribus populi praecedentis. *Venedi* regionem hanc habuerunt antè Christi natitempora, eorumque populi fuerunt Galindae, Sudeni, Staveni. Vid. Ptolem. lib. III. Geogr. cap. V. fol. 81. seq. *Gothi* itidem antè Christum natum huc sunt ingressi, & tenuerunt partem tantum septentrionalem sive maritimam, Venedis adhuc ipsorum tempore partem habitantibus Australem. Hos Gothos etiam post Christum natum hic habitantes Tacitus alijque sub nomine *Aestiorum* describunt. *Lithvani* quo tempore Prussiam intrarint non una est Authorum sententia. Alij hoc referunt ad tempora Valentiniani I. Imp. ut Erasmus Stella lib. II. Antiq. Boruss. & Albertus Wijuk Kojalowicz

A

Part..

Part. 1 Hist. Lithv. lib. 1. pag. 10. seq. Alij hoc referunt ad initium Sec. VI. ut Alexander Gvagvinus in Descrip. Prussiae. Nos etiam serius hanc migrationem contigisse credimus. Nam Sec. VI. Theodoricus Rex Gothorum in Italia adhuc Hæstis sive Æstij gratias agit pro succino è Prussia sibi misso, apud Cassiodorum lib. V. Variarum. epist. 2. Jordanes etiam ejusdem VI. Seculi Scriptor Orientalem Vandalæ ripam (forsan etiam in Prussia nostræ parte Occidentali) Venedos sive Slavos accoluisse testatur lib. de Rebus Geticis. Tandem *Ordo Teutonicus* accersitus est in Prussiam à Conrado Masoviae Duce, Lesci Albi Ducis Poloniae fratre, Sec. XIII. Anno 1226. sub Hermanno à Salza quarto Ordinis Teutonici Magistro.

II. De primis autem populis, nempe Venedis & Gothis pauca tantum dicemus, cum obscuræ sint gentium illarum res gestæ, & pauca, imò ferè nulla jam reperiantur earum gentium apud nos vestigia. VENEDOS inter *Scythas* esse numerandos vix dubitari potest. *Scythas* verò in genere sic describit Epitomator Trogi Justinus: *Nec domus illis ulla, aut tectum, aut sedes est, armenta & pecora semper pascentibus, & per incultas solitudines errare solitis. Vxores liberosq; secum in plaustris vehunt: quibus corijs imbrium hyemisque causa tectis pro domibus utuntur. Justitia gentis ingenijs culta, non legibus. Nullum scelus apud eos furis gravius. - Aurum & argentum non perinde ac reliqui mortales appetunt: Lacte ac melle vescuntur. Lane ijs usus ac vestium ignotus, & quanquam continuis frigoribus urantur, pellibus tamen serinis aut murinis utuntur.* Hæc Justinus lib. II. Hist. cap. II. Conf. Herodot. lib. IV. Diodor. Sicul. lib. II. Strabo VI. Mela II. cap. 1. In specie verò de *Venedis* Scythicis gentibus antea Sinum Venedicum i. e. mare

mare Balticum accolentibus, an sint ad Germanos, an ve-
rò ad Sarmatas sive Slavos referendi, dubitabat Tacitus.
Non autem hac de re capropter dubitabat, ac si negare
voluerit, hos populos originem suam debere Sarmatis (hoc
enim ipsum concessurum fuisse puto) sed quia mores Ve-
nedorum à Germanorum moribus ob vicinitatem non
multum dissimiles esse videbat. Ideò de illis dicit: *Peu-
cinorum, Venedorumq; & Fennorum Nationes Germanis an
Sarmatis adscribam dubito: Venedi multum ex moribus
(Germanorum) traxerunt. Nam quicquid inter Peucinos
Fennosq; Sylvarum & montium erigitur latrocinys perer-
rant. Hi tamen inter Germanos potius referuntur, quia &
domos figunt & scuta gestant, & pedum usu ac pernecitate
gaudent, quæ omnia diversa Sarmatis sunt in plaustro equoq;
viventibus.* Lib. de Morib. German. cap. XLVI. Ex his ita-
que cognoscimus Venedos nostros cæteris Sarmatis huma-
nam Societatem magis amasse, & ad Rempubl. constitu-
endam fuisse magis idoneos. Qualis autem inter ipsos ob-
tinuerit Respubl. ex allegatis Taciti verbis nondum distin-
ctè colligitur. Propius ad propositum nostrum faciunt ea
quæ de Slavis Vistulæ ripam orientalem tunc accolentibus
i. e. de Venedis tradidit Seculi VI. Scriptor Procopius: *An-
tarum, ait ille, Sclavinorumq; Nationes non ab homine ali-
quo uno reguntur: sed AB ANTIQVO plebeja communiq;
libertate vivunt, & idcirco res omnes, quæ vel utiles sint vel
fortè difficiles in commune Consilium deducuntur.* lib. III. de
Bello Goth. cap. VII. p. 542. Imò cum Slavi Vistulam
transgressi multas Germanorum ditiones occupassent, ni-
hilominus quidam ipsorum pristinam retinuerunt Reipubl.
formam. De Lutitijs Slavicis populis Dithmarus Mersbur-
gensis Sec. XI. *Illic, inquit, Dominus specialiter non præsidet*
nullus.

ullus. Unanimi Consilio ad placitum suimet, necessaria disce-
rantes, in rebus efficiendis omnes concordant. Lib. VI. Hist.
pag. 136. Imò & aliæ Slavicæ sive Venedicæ gentes, licet
Vistulam transmittentes sibi Ducem migrationis elegerint,
postea tamen aliquoties ad pristinam aliquo modo aspira-
se libertatem leguntur, ut constat ex Historia Polonorum,
qui defuncto Lecho statim sibi duodecim creaverunt Palati-
nos, quod etiam factum est, postquam Venda Virgo seip-
sam in Vistulam amnem præcipitasset. Constat itaque Ve-
nedos Veteres Statum. Reipubl. Popularem habuisse.

III. De GOTHORUM tunc temporis hodiernam Pome-
raniam partem habitantium Republ. sic scribit Tacitus: *Trans
Lygios Gothones regnantur, paulò jam additiùs, quam ca-
tera Germanorum gentes, nondum tamen supra libertatem.
Protinus deinde ab Oceano Rugj & Lemovj. omniumq; ha-
rum gentium insigne, rotunda scuta, breves gladj, & erga
Reges obsequium.* De moribus Germ. cap. XLIII. Æstios
autem (i. e. Gothos jam antiquioribus temporibus in Prus-
siam ex Pomerania transgressos) sic describit: *Dextro
Svevici maris littore Æstiorum gentes alluuntur, quibus
ritus habitusq; Svevorum, lingua Britannica propior, ma-
trem Deum venerantur: Insigne superstitionis formas A-
prorum gestant. Id pro armis omniumq; tutela securum
Dea cultiorem etiam inter hostes præstat. Rarus ferri, fre-
quens fustium usus. Frumenta ceterosq; fructus patien-
tius quam pro solita Germanorum inertia laborant. Sed &
mare scrutantur, & soli omnium hominum succinum, quod
ipsi Glesum nominant, inter vada atq; in ipso litore legunt.*
Ibid. cap. XLV. Ex his quidem non apparet, an Æstij cum
Gothis iidem fuerint, alia tamen multa sunt, quæ hoc nobis
planè persvadent. Inter alia & conformitas Religionis Lith-
vano

vanorum in Prussia postea habitantium cum Religione Gothorum, quam sine dubio à Gothis & Æstij didicerunt. Quodsi autem Æstij iidem sunt cum Gothis, non est etiam dubium, quin illi eandem Reipubl. formam habuerint. Nempè verisimile est illos initio Regulos suos habuisse, quorum tamen non infinita, sed limitata fuit in suos potestas. Postea dicuntur (forsan cum suis Regulis) ab alijs Gothis in hodierna Svedia habitantibus subacti esse. Vid. Hugo Grotius in Prolegomen. ad Hist. Gothicam, & Vandalicam Procopii aliorumque. Seculo post Nat. Chr. VI. miserunt Æstij ad Theodoricum Regem Gothorum Legatos in Italiam, ex qua Legatione tamen colligi non potest, an habuerint Regem suum, vel etiam plures. Hæstis enim tantum inscribitur epistola Theodorici supra allegata. Erasmus tamen Stella illos dicit habuisse Regulos suos in Sudinia usque ad tempora migrationis Lithvanicæ. Lib. i. Antiq. Boruss. in fin. Sed de his ut obscuris & incertis multa verba facere non attinet. Vid. Olaus Magnus in Hist. Gentium Septentrion. Johannes Magnus in Præfat. ad Hist. Gothorum Sveonumque. Joh. Loccenius in Antiq. Sveo-Gothicis.

IV. Quod tertio loco LITHVANOS concernit, illi ab initio populari libertate usi sunt, sed crescentibus inter Lithvanos, veteresque Prussiæ incolas odijs, commodissimum est visum, ut ad unum devolverent Imperium. Reges itaque sibi elegisse dicuntur, nempe *Brutenum & Weidewutum*. Widewutus postea decrepitâ iam ætate Prussiam in 12 Ducatus inter filios dicitur divisisse. Nos utut non negaverimus habuisse initio Populos ex Lithvania huc accedentes Duce[m] aliquem migrationis suæ, illa tamen, quæ postea de Widewuto & Bruteno traduntur, aniles redolent fabulas. Vid.

Erasmi. Stella in Antiq. Boruss. & Albert. Wijk Koialowicz Part. 1. Hist. Lithv. lib. 1. qui fusè Rempubl. Prussicam ejus temporis describunt. Certum est subsequentibus temporibus Prussos nullum habuisse Regem vel Principem, qui toti Prussiae vel etiam praecipuae ejus parti praesset. Testatur illud Sec. XI. Adamus Bremensis, qui de Prussis verba faciens: *Homines, inquit, caerulei, facie rubea & criniti, praeterea inaccessi paludibus, nullum inter se Dominum pati volunt.* lib. de Situ Daniz pag. 147. Tres autem Ordines hominum in Prussia id temporis fuisse comperimus. *Primus Ordo* fuit *Principum* Prutenorum. Fuisse autem in Prussia Principes non paucos, cum Ordinis Teutonici milites Prussiam infestare coepissent, testantur passim Rerum Prussicarum Scriptores; licet illi Principes non alij fuerint, quam Nobilium potentiores, qui plures subditos, extantioresque sub imperio suo habuerunt viros. Ejusmodi Princeps fuit Hagel ille, qui tractum propè urbem Dantiscanam possedisse dicitur. Vid. Casp. Schüz lib. 1. Chron. Pruss. fol. 6. Principis etiam alterius cujusdam Samlandis confederati mentio fit apud Schüzium lib. 1. fol. 30. Ex eodem Ordine fuit *Gellens* Princeps, cujus sedes à Cruciferis solo æquata, postea ab iisdem reedificata, dictaque est *Gellensburg* & tandem *Gilgenburg*. Schüz lib. 1. fol. 38. *Soladimistarum* quoque Principis meminit Vincentius Kadlubko lib. IV. Chron. Polon. cap. XIX. Praesertim autem in Sudinia ad mare Balticum fuisse plures Principes legimus apud Schüzium, quales fuerunt *Wadole*, *Candigendam*, *Scurdo*. Schüz. lib. 1. fol. 41. & 42. Hos Sudinos Erasmus Stella tum fuisse *αυτοχθονας* i. e. non advenas cum cæteris Lithvanis, sed adhuc ex gente Scandinavica oriundos eosque Regulos sive Principes suos habuisse refert. lib. 1. Antiq.

tiq. Boruff. in fin. Conf. & Hennebergerus in Tract. de Ve-
teri Prussia pag. 18. *Secundus Ordo* in Prussia fuit *Ordo No-*
bilium, qui dicebantur *Supani* Henneberg. l. c. quo nomi-
ne & Poloni suos olim appellabant Nobiles; ut patet ex
Chronico Montis Sereni à Madero edito ad An. 1209. pag.
86. Nobilitatem autem fuisse hic potentem, præsertim a-
pud Sudinos, cognoscimus ex Schützii lib. 1. fol. 40. & 50.
Te ius & infimus *Ordo* fuit Plebejorum, quibus etiam ali-
quando dabatur accessus ad iura Nobilium. Vid. Henneb.
l. c. Ex his tribus Ordinibus Comitia celebrata fuisse non
legimus, sed quilibet Princeps & potentior Nobilis peculia-
rem videtur constituisse Remplicam. Quædam etiam
provinciæ planè fuerunt populares: Nihil itaque his genti-
bus antè ingressum Ordinis Teutonici commune fuisse vide-
tur præter solum Pontificem Maximum *Krive Kriveito*, sè-
demque ipsius *Romove*. Ingruentibus autem periculis belli-
cis Respublicæ populares eligere sibi solebant Ducem bel-
licum, sub cuius auspiciis hostem repellere possent. Qui
populus Principem habebat, ille sub Principis sui Imperio
bella gerebat. Si singuli populi hosti non erant repellen-
do, cum finitimis Principibus vel populis consilia conferen-
tes fœdus pangebant. Totam aliquando Prussiam ad bel-
lum fuisse excitam asserere non audent. Imo neque fœ-
dus aliquod defensivum inter omnes Prussicas gentes inter-
cessisse colligi potest ex eorum temporum Historia. Qued
enim Chronicon quoddam Anonymi MS. habet Ehw ei-
tum lil. Prussiæ Ducem ex omnibus Provinciis exercitum
collegisse tempore Conradi Masovix Ducis, hoc ut alijs
Chron. cis ignotum, ita etiam prorsus fictum existimamus.
In singularibus autem gentium Prussicarum Comitijs ma-
gna fuit authoritas Weidelotrarum, sive Sacerdotum utri-
usque

usque sexus, quodcunque illi rudi populo svadebant, illud etiam facile persvadebant, adeò ut etiam in manifestam perniciem se præcipitassent Prussi, dummodò Deorum illam esse voluntatem ipsis Weidelottæ sive ipsorum Burti asseverarent. Exemplum nobis refertur à Petro Dusburgio antiquo Historiæ Prussicæ Scriptore de Galindis. Hi mira foeminarum foecunditate in tantam multitudinem excreverant, ut etiam locus deficeret, in quo sedes suas figerent. Hinc obstetricibus injunxerant ut foemellas statim post partum occiderent. Cum autem his Obstetrices morem non gessissent, omnibus uxoribus suis mammas præciderant, ne liberos lactare possent. Hac contumelia mulieres irritatæ, fatidicam quandam mulierem sive Weidelottam accedunt, consilium quomodo illatam sibi injuriam ulcisci possent rogantes. Illa convocatis omnibus Galindis, hoc sibi à Dijs revelatum esse pronunciat, Deorum hanc esse voluntatem, ut omnes Galindi inermes Christianorum Provincias depopulentur. His auditis Galindi in Masoviam irrumpentes prædas agunt : Sed Christiani turbam inermem adoriuntur, tantamque stragem edunt, ut vix nuncius cladis illius superesset. Henneb. in Commentar. ad Tabulam Prussicæ Geographicam, sive in Chron. fol. 135.

V. Verum ulterius progredi, & inquirere placet, quisnam fuerit *finis* Reipublicæ Prussicæ tempore Lithvanorum : Certum enim est, alias Respublicas respicere *honestum*, verasque sectari virtutes : alias verò omne studium collocare in *potentia & gloria bellica* : alias iterum in *operibus & divitijs* congerendis : alias tandem in sola *voluptate* Summum bonum collocare. Jam primò quod Prussi Veteres pro fine Reipublicæ suæ non constituerint *divitijs*, hoc facile apparet ex paupertate illius gentis, ex victu etiam &

am & amictu vilissimo alijsque institutis. Quod *vitium*
ipforum attinet, docemur à Scriptoribus nostris elixarum
carnium apud ipsos nullum fuisse usum: *Terram etiam*
veteres Prussi minimè excoluere, vel ob ignorantiam rei
rustica, vel ne bonitate soli deprehensâ & ipsi finitimorum
metui obnoxij fierent, indeq; eliminarentur, vel quod vi-
ctum è terrâ nascentibus nondum novere, ait Erasmus Stel-
la lib. 1. An iq. Boruss. Quod *vitium* è terrâ nascentibus
nesciverint, testatur exemplum illud, quod varij Scriptores
referunt de Legatis à Veteribus Prussis ad Cruciferos Bal-
gam missis. Hi enim cum vidissent Cruciferos lactucam
& alia olera comedentes, renunciarunt suis, se cum Cruci-
feris bella gerere non posse, cum illi jumentorum instar
etiam gramine victitare, inque Sylvis ipsis vitam susten-
tare possint. Henneb. de Vet. Prussia & alij. *Potus* ipforum
fuit aqua, lac equinum, & sanguis jumentorum, ut testatur
Scholiastes Adami Bremensis ad pag. 150. num. 87. Idem
habent Johannes Dlugosus lib. II. Chron. Polon. ad An. 997
fol. 115. Erasim. Stella lib. 1. Antiq. Boruss. *Chroni-*
ca fol. 29. b. Henneb. & alij. Postea etiam usus invaluit
cerevisiæ & mulsi. Martin. Cromer. lib. III, fol. 443. in
Corp. Hist. Polon. Imò postremis temporibus in sacris suis
nullo ferè potu alio, quam cerevisiâ usi sunt Prussi, ut satis
apparet ex Dissertatione nostra de Idololatria Veterum
Prussorum. Nec pretiosior fuit ipforum *vestitus*. Videli-
cet utebantur tunicis brevioribus panno ex cruda lana con-
fecto: tunicæ illæ, aut hic in Prussia conficiebantur, aut et-
iam (præsertim invalescentibus navigationibus) ex Ger-
mania navibus huc afferebantur. Testatur hoc Adamus
Bremensis l. c. Foemina Prussicæ lineas habebant tunicas.
Erasim. Stella lib. 1. Antiquitat. Boruss. *Calcei* Prussorum
B. erant

erant ex alburno (i. e. ex mollissimâ illâ arboris parte quæ est inter corticem & lignum) quales adhuc hodiè apud Lithuanos conficiuntur, aut etiam fuerunt ex crudo corio confecti. Non dubitandum tamen est, quin honestiores & nobiliores Prussi usi etiam sint vestibus ex preciosioribus pellibus confectis, quarum hic copia magna fuit. Audiamus Adamum Bremensem: *Aurum, ait ille, argentumq; pro nihilo ducunt, pellibus abundans peregrinus, quarum odor nostro orbis ethiæ superbia venenum propinavit Et illi quidem ut stercora hac ad nostram fortè habent damastionem, qui per fas nefasq; ad vestem anhelamus marturinam, quasi ad summam beatitudinem. Itaq; pro laneis indumentis, quæ nos dicimus Paldones, illi offerunt tam preciosos martures.* In lib. de Situ Dniæ & reliquarum Septentrionalium Regionum Num. LXXVII.

VI. Deindè *Virtutem* veram Prussos veteres non quæsiisse, aut quærere non potuisse satis docet ipsorum barbaries, quæ impediri virtutem veram perfectè non agnovērunt. Quamvis solo naturæ ductu multas etiam excolerint virtutes, ita ut multis politionibus gentibus palmam præripere possent. Laudat in ipsis Adamus Bremensis humanitatem, quæ completi solebant in mari periclitantes & a piratis infestatos: Laudat etiam in iisdem avaritiæ fugam, & multò plura laudabiliora de ipsis dici posse affirmat, si solam Christi fidem amplecterentur. l. de Situ Dan. p. 147. Cf. Stella l. 1. Antiq. Hospitalitatem Veterum Prussorum omnes Scriptores nostri deprædicant. Nemini enim hæc licuit ornatum stipem emendicare, sed ditiores pauperibus abundè cibum subministrabant: præsertim autem liberalitatem suam exercebant in eos pauperes, qui hospitem nomine proprio compellare poterant. Credebant enim hoc ipsis à D^{no} fuisse revelatum. Henneb. de Vct. Pruss. pag. 19.

Non

Non minorem laudem meretur ipforum in facinorosos rigor. Homicidas illi capitali supplicio afficiebant. Si quis Weidelottam sive Sacerdotem interfecisset, hunc interficiendi potestatem habebant omnes interempti cognati. Henneb de Vet. Pruss. pag. 17. b. seq. Ex Grunov tract. 3. cap. 3. Fur primum virgis cadebatur, si verò iterum in furto esset deprehensus, tum fustigabatur. Tertium in furto deprehensus, cambus obiciebatur devorandus. Schüz lib. 1. fol. 3. b. Henneb. de Vet. Pruss. pag. 18. Adulteri comburebantur, cineres verò combustorum in publicam spangebantur viam, neque liberis ipforum ad sacrum Weidelottarum Ordinem patebat accessus. Henneb de Vet. Pruss. pag. 17. b. His tamen non obstantibus veram illi virtutem non sunt sectati, quod manifestè apparèt ex humanis victimis, quas Dijs suis immolabant, ut & ex alijs barbarè factis. Ut alia præteream, illud certè immanem redolet barbariem, quod servos debiles, claudos vel senio confectos soliti sint ex arboribus suspendere, ne gratis ipsis victum subministrare cogerentur. Schüz lib. 1. fol. 3. b. Permisit etiam Weidevutus filiis, ut parentes ob ætatem aut morbum labori jam impares strangulatione è vivis expungerent, atque ita sese & domum impensis inutilibus expedirent. Alb. Wijuk Kojalowicz. Part. 1. Hist. Lithv. lib. 1. pag. 18.

VII. Porro primis à suo in Prussiam ingressu temporibus Lithvani non quæsierunt etiam *laudem bellicam*. Gens enim fera & Sylvestris ad justum bellum gerendum minus idonea fuit. Nullus tum apud Prussos erat armorum usus, sudibus vel fustibus tantum oblongis plumbo infuso rigentibus hostes adoriebantur, habebant etiam alios fustes breviores eadem ratione plumbo infuso graves, qui-

bus eminus hostem petere solebant. Henneberg. de Vet. Pruss. pag. 20. Postea verò bello à Polonis aliquoties periti, arma etiam sibi compararunt, quibus etiam successu temporis adeò asueverant, ut postremis temporibus bellicam gloriam unicè quævisse videantur. Hinc etiam varia apud ipsos instituta bellica fuisse legimus. In bellum profecturi Ducem sibi strenuum eligebant, quales sub ingressum Ordinis Teutonici fuisse *Pyopso* Ermelandensium Dux apud Schüz fol. 20. med. Scumandus Dux Sudinorum. Schüz. lib. 1. fol. 41. & alij. Tum capiebant ab hostibus hominem, cujus pectus Summus ipsorum Sacerdos *Crive* *Criveito*, captandi ex sanguine profluente omnis causa, aperiebat Henneb. de Vet. Pruss. p. 20. In ipso bello id agebant, ut hostem insidiosè circumvenirent. Testatur id de Prussis Vincentius Kadlubko, cujus hæc sunt verba: *Intrepidi (Poloni) bellum quarunt: diu quassum nusquam reperiunt, cunctu hostium (i.e. Prussis) in delubris ac speluncis delitescensibus, non tam timore pusillanimitate, quam cautela industriâ. Sicut enim in arte exercitatissimi, sed in plano nulli, plus arte, quam viribus, plus audaces temeritate, quam animi virtute.* Hæc Kadlubko lib. IV. Chron. Polon. cap. 19. Conf. lib. III. Epist. 31. pag. 375. Callidum ipsorum in excogitandis artibus bellicis ingenium elucescit tum ex alijs, tum ex illa et de, quam Polonis intulerunt sub Boleslao Crispo Duce. Vid. Vincent. Kadlubko lib. III. epist. 31. pag. 374. seqq. Neugeb. lib. III. pag. 107. seq. In defensionibus castellorum solebant Vet. Prussi insignia sua munimentis insigere, ut ab hostibus confici possent, ut factum est in defensione arcis Slemmo, quam Pipinus Prutenorum Dux in lacu condiderat. Habuerunt autem Prussi in insignibus suis duas coronas sibi invicem oppo-

oppositas. Vid. Thomas Waisselius in Chron. Pruss. sub
Conrado Landgr. Hassiæ Ordinis Teutonici Magistro. Si
victoriam ab hoste reportarunt, captivis omnibus trucidatis,
prædam in quatuor partes particbantur. Prima Dijs,
Secunda Kyrwaytæ & Weidelottis, tertia amicis & vicinis
consecratur, quartam autem ipsi inter se dividebant. Henneb.
de Vet. Pruss. pag. 21. Ex hostibus primarium aliquem
Ducem captum eodem modo Dijs suis immolabant: Nempe
solebant ipsum lorica & armis consuetis indutum proprio
equo imponere, & pedibus equi ad diversas arbores alligatis
comburare. Ordens Chron. fol. 110. Si plures
essent ex primarijs captivis, sorte designabatur Dijs immo-
landus. Henneb. de Vet. Pruss. pag. 8. b.

VIII. Tandem restat ut videamus, an Prussi illi gentiles
à Lithvanis oriundi *voluptatem* pro spe Reipubl. suæ ag-
noverint. Posset quidem hoc alicui improbabile videri,
gentem illam in tantâ paupertate & morum asperitate vo-
luptates potuisse sectari, præsertim cum ex superioribus con-
stet, victum eorum fuisse simplicem & minimè delicatum.
Nos tamen non dubitamus, quin primis ab ingressu in Prus-
siam temporibus, Lithvani, brutorum instar ad saginam
ventris abjecti, voluptatum illecebras sint sectati. Nam quæd
terram non excoluerint, causa fuit (præter supra assigna-
tas) ipsorum ignavia. Ebrietati quoque, si ulla gens alia,
maximè fuerunt dediti, adeo ut nullum se officium in ami-
cam & hospitem crediderint contulisse, si ebrium illum non
viderent Johan. Dlugoss. lib. 21. Hist. Pol. fol. 115. Fue-
runt autem non viri solum ebrietati dediti, sed etiam fo-
minæ. Dlugoss. l. c. Cromer. lib. III. fol. 443. Henneb. de
Vet. Pruss. p. 19. a. Exemplum hujus rei habemus apud
Hennebergerum, qui aliquando decem mulieres Sadaucis
uno

uno tempore integrum dolium cerevisiæ exhaustisse refert,
in Chron. fol. 445. Imò potu sanguinis equum illos in-
ebriari solitos, testis est Scholiastes Adami Bremensis l. c.
Solebant etiam Prussi balnearum usu penè quotidiano lat-
itudinem labore vel intemperantia & ebrietate contractam
depellere, indeque excelsa corpora aqua immergere
aut ablucere. Dlugos. & Cromer. ll. cc. Porro & ex aliis
finem hunc Reipubl. Prussicæ Veteris cognoscimus. Non
enim ut Germani antiqui unâ uxore fuerunt contenti, sed
licuit ipsis plures sibi adjungere. Quidam enim dicunt nul-
lum fuisse finitum uxorum numerum, sed licuisse ipsis tot
uxores ducere, quod emere & sustentare potuerunt, quas
deindè ancillarum loco habebant. Dlugos. l. c. Matth. à
Michov. lib. II. Chron. Polon. cap. VIII. fol. 26. Cromer.
lib. III. fol. 443. Idem in quibusdam Chronicis Prussicis
asserri videtur. Schuz fol. 3. b. Alij tres tantummodo uxo-
res potuisse sibi Prussos emere, sibi que adjungere asserunt,
quibus alternatim usi esse dicuntur, & quidem vel in pu-
blico. Henneb. de Vet. Pruss. pag. 16. Alij à Weidewuto
monogamiam fuisse institutam asserunt, ut Martinus Muri-
nius in Chron. Pruss. cap. II. pag. 3. fin. Alb. Wijuk kaja-
lowicz Part. 1. Hist. Lithv. lib. 1. Quæ forsan ita concilia-
ri poterunt, quod antiquitus hoc fuerit institutum, postea
verò fuerit neglectum, ita ut potentiores ducerent uxores
quot vellent, alij autem plebeji definitum numerum exce-
dere prohiberentur. Inter illas plures uxores una hono-
rator erat, præsertim si ex genere Scandinavico sive Go-
thico fuerat oriunda. Henneb. de Vet. Pruss. pag. 16. No-
vercam apud ipsos licebat uxorem ducere, Henneb. pag.
17. quod ipsum & de Samogitis refert Matth. à Michov.
lib. IV. cap. XLV. Præterea Vidua quæ nullos habebat li-
beros

beros, eo usque ab adolescentibus invasebatur, donec filium aut filiam peperisset, & tum in Sacrum Ordinem recipiebatur, ut fieret Weidelotta. Henneb. pag. 17. Viri defunctas uxores tantum per octiduum lugebant. Idem l. c. Tandem quæ uxor nolebat cum Viro cohabitare, poterat ad vivicomburium condemnari, ejusque sorores omnibus contemptui & ludibrio erant, ex eâ ratione, quod non docuerant sororem Dijs & Viro obedire. Henneb. l. c. Ex quibus jam manifestum est finem illius Reipubl. fuisse *Voluptatem*, nisi quod postremis temporibus *laudem* etiam *bellitam* cœperint affectare.

IX. Sed accedamus jam ad ultimam GERMANORUM migrationem. Cum Sec. XIII. Prussi Veteres terminam sibi Masoviam continuis excursionibus infestarent, & *Conrado* Duci Masovix nulla spes superesset auxilij à Duce Polonix impetrandi, instituit ille primò Ordinem *Fratrum*, ut dicebantur, *de Dobrin*, svasu Christiani Monachi Ordinis Cisterciensis & postea primi Prussorum in tractu Culmensi Episcopi (Hunc enim Episcopatum Conradus à Cruciferis postea adjutus instituisse fertur. Vid. Cromer. lib. III. fol. 434. Stanisl. Lubiencki in Vita Viti Episcopi Ploccensis fol. 336. Operum. Neugeb. lib. III. Hist. Polon. pag. 230.) Magister hujus Ordinis fuit constitutus quidam *Bruno*, à Christiano investitus. Fratres illi assumpserunt regulam fratrum Ensisiferorum in Livonia. Vid. Thom. Waissehus in Chron. Pruss. pag. 47. & alij. Polonici Scriptores referunt fratrum horum Ordinem non fuisse à *Conrado* institutum, sed ex Livonia in Prussiam evocatum. Vid. Johan. Dlogoff. lib. VI. ad An. 1224. Matth. à Mich. via lib. III. cap. 7. l. XIII fol. 86. Sed cum neque in his præsidij quicquam invenisset Conradus Masovix Dux, *Ordinem Teutonicum* s,

MA-

Maria ejusdem Christiani svasu evocavit, cui tum præerat *Hermannus à Salza*, quartus in Ordine Magister post primum *Henricum à Walpot*. Eâ verò Lege evocatos fuisse Fratres Ordinis Teutonici refert Cromerus Episcopus Warmiensis, ut, ubi Prussos devicissent, Culmensẽ ditionem Polonis redderent: cætera verò, quæ de barbaris cepissent arbitrio bonorum virorum ex æquo cum Polonis partirentur. lib. VII. de Ortu & Reb. gest. Polon. circa fin. fol. 380. Cum Cromero facit & Author Chronici Prussici, quod Wolffgangus Dietmarus Typographus Elbingensis edidit, in Hermannò à Salza. Quidam autem ex Scriptoribus nostris negant tam duras Ordini Teutonico fuisse præscriptas conditiones. Vid. Chron. Ordinis fol. 35. a. Schuz. lib. I. fol. 17. Quoddam etiam Chronicon MS. concedit ejusmodi pacta inter Conradum & Ordinem Teutonicum fuisse inita, Conradum tamen antè mortem Cruciferos ab horum Pactorum religione absolvisse refert. Forsan dicere possemus, Pacta illa, quorum Cromerus mentionem facit, non fuisse cum Ordine Teutonico, sed potius cum Fratribus de Dobrin antea institutis inita, quibus Fratribus (si vera est Scriptorum Prussicorum relatio) Conradus ipsorum Fundator facilè potuit adeo duras præscribere Conditiones. Nobiscum facit etiam Petr. Dusbürg. cujus nobis, dum hæc scribimus, facta est copia.

X. Sed lubet etiam paucis in *prima Ordinis Teutonici primordia* inquirere, antequam ad alia progrediamur. Scriptores Prussici sequenti modo rem illam enarrant. Circa An. 1189. Cum in terra S. obsidio *Ptolemaidis* sive *Acconæ* (quæ Germanis dicitur *Asfers*) protraheretur. & multi Christianorum milites ex dysenteria laborarent, multi quoque à Saracenis urbem defendentibus vulnerarentur, Cives quidam Lubecenses & Bremenses, qui navibus eò venerant, Chris-

stianis auxilio futuri, velis navium in terra expansis, papilionibusque erectis milites ægros colligebant ij que quæ ad sanitatem recuperandam faciebant largè subministrabant. Dux Germanici Exercitus in oppugnatione illa fuit Fridericus Dux Sæviæ filius Friderici I. Imperatoris, qui pium civium horum institutum conspicatus, communicato cum cæteris Principibus (quorum tunc magnus in castris Christianorum erat numerus) consilio, Ordinem Teutonicorū Equitum institui suadet, qui eorū Pauperum in Terra S. de gentium gererent, & Christianos contra Barbaros tuerentur. Re ab omnibus probatā, conceditur Equitibus illis recens institutis ex Henrici Regis Hierosolymitani largitione Domus Hospitalis Hierosolymis, quæ domus S. Mariæ dicebatur. Mittuntur etiam statim ad Imperatorem petiitū, ut Ordinem hunc confirmaret, Privilegijs ornaret, Pontificem etiam Rom. rogaret, ut suo quoque calculo eundem faceret ratum. Et sic confirmatus est Ordo ille ab *Henrico VI. Imp. & Cælestino III. Papa Romano*. Exigua hujus Ordinis, ut rerum omnium, fuerunt initia. Ab initio enim 40. tantum Equites in Ordine fuerunt numerati, quorum primum Rex Hierosolymitanus, secundum Fridericus Dux Sæviæ, alij reliquos usque ad quadragesimum crearunt. Patriarcha verò Hierosolymitanus eos investivit in castris ad Acconam. Ex his quadraginta deindè in Magistrum sive Ordinis illius caput à Friderico Sæviæ alijsque Ducibus electus esse dicitur *Henricus Walpot von Pappenheim. vid. Petrus à Dusburg, fol. 9. Item Regula Fratrum Ordinis in Praef. Funccius in Comment. ad lib. X. Chronologiae suæ ad An. 1189. Schuz. lib. 1. Chron. Pruss. fol. 15. & in Catalogo Magistrorum Chronicis præfixo. & alij. Eodem modo Ordinis hujus originem exponit Henricus Bargertus in No-*

eis ad lib. III. Arnoldi Lubecensis cap. xxxvi. Sed his con-
trariatur autoritas Iacobi de Vitriaco, qui circa eadem tem-
pora Episcopus fuit Acconeculis, huiusmodi que suam usque
ad An. 1218 perduxit. Hic enim Ordinem Teutonicum
in ipsa urbe Hierosolyma coepisse refert. Cum civitas san-
cta, ait Iacobus de Vitriaco, post predictam eius liberatio-
nem habitaretur à Christianis & multi ex Teutonicis causa
peregrinationis pergentes Hierusalem linguam Civitatis
ignorarent, inspiravit divina Clementia cuidam honesto &
religioso Viro Teutonico, qui in civitate cum uxore sua mor-
ratur, quatenus quoddam Xenodochium de bonis suis con-
strueret, in quo pauperibus & infirmis Teutonicis hospitali-
tatem exhiberet. Confluentibus autem ad ipsum ratione com-
mercij lingua & notis sibi idiomatis de gente illa multi pau-
peribus & peregrinis de consensu & voluntate Domini Pa-
triarcha quoddam oratorium composuit juxta predictum
Hospitale in honore beata Dei genitricis Mariae. Longo au-
tem tempore in magna paupertate tam de bonis suis quam
de his quae colligebat ex fidelium Eleemosynis pauperes in-
firmos procurabat. Quidam autem & maxime de gente
Teutonicorum predicti viri charitatem & meritum atten-
dentes omnibus renunciantes se & sua Deo & predicto Hos-
pitali tradiderunt ministerio pauperum, deposito seculari
habitu voto se adstringentes. Procedente autem tempore
cum non solum de inferioribus, sed de Equestri ordine & de
Nobilibus Alemannia Viris Deo devotus predicto Hospitali
se se voto obligassent, paupertatem voluntariam & abjectam
Domo Dei esse magis quam habitare in tabernaculo pecca-
torum eligentes; visum est eis Deo gratum esse & acceptum
& magis meritorium, non solum pauperibus infirmis servi-
re, sed in super animas suas pro Christo ponere, & ab inimi-

*ei fidei Christiana Terram sanctam defendendo Christo
 tam spiritualiter quam corporaliter militare. Unde regu-
 lam & instituta fratrum militia Tempis ita susceperunt,
 quod opera pietatis & Deo amabilem hospitalitatem non re-
 liquerunt. Hæc ille lib. I. Hist. Hieron. cap. LXVI. Eadem
 habet Marinus Sanutus Tortellus Patricius Venetus lib. III.
 Part. VII. cap. III. Describunt hi posthæc expugnationem
 Accōnæ, sed nullam faciunt mentionem Ordinis instituti.
 Vid. Jac. à Vitriaco ultimis capitibus libri primi, & Sanu-
 tus Lib. III, Part. X. Conf. & Polydor. Vergil. lib. VII. de
 Inventorib. rerum cap. V. & Jac. Gretlerus Tom. II. de
 Cruce lib. II. cap. xvi. Alii adhuc aliam hic foveant sen-
 tentiam, qui in ipsa urbe Accōnensi putant Ordinem hunc
 institutum esse, post ejusdem expugnationem, ut ex tem-
 pore ab ipsis annotato colligere licet. Nam Siffridus Pre-
 sbyter Misnensis in Chron. ad An. MCCXII. dicit: *In Ac-
 carone (Accone) capsi Ordo fratrum Teutonicorum.* Inter
 Scriptores Germanicos à Pistorio editos fol. 694. Author
 Compilationis Chronologicae apud eundem Pistorium ini-
 tium Ordinis huius refert ad An. MCC. fol. 738. Paulus
 Langius in Chronico Citizenensi refert hoc ad An. MEXCV.
 Ptolemais autem jam antea Anno videlicet MEXCI. Sara-
 cenis erepta est. Nos hinc Jacobo de Vitriaco & Marino
 Sanuto ferè adspiciamus, quorum ille circa eadem tempora
 Episcopus fuit Ptolemaidis, quæ & Accona dicebatur. Nisi
 illas sententias ita conciliare velimus, ut dicamus, Ordinem
 hunc Hierosolymis cepisse; in expugnatione verò Accō-
 nensi confirmatum esse: in Urbe tandem Accōnensi ma-
 xima incrementa sumpsisse, ita ut jam expeditiones pu-
 blicas contra hostem suscipere posset. Hinc itaque alij
 initium Ordinis referunt ad prima ejus incunabula, alij ad*

illa tempora, quibus confirmatus est, alij tandem ad illa tempora, quibus toti ferè Europæ innotuit.

XV. Jam ad ipsa Fratrum Ordinis Teutonici instituta, eorumque deindè Rempublicam accedemus considerandam. Magnam autem eorum partem cognoscere possumus, primò ex *Regula* Ordinis, deindè ex *Legibus* Ordinis, tertio ex *consuetudinibus* Ordinis, & tandem ex specialibus quorundam Magistrorum *Legibus*, quæ omnia reperimus in aliquot Codicibus MSS. in Bibliotheca Electorali assertis. Quamvis negari non possit, Fratres hos multa contra Regulam, & alia Ordinis instituta, posterioribus temporibus fecisse. Primò autem enumerabimus ea, quæ totum Ordinem concernebant. *REGULA* Ordini huic à Cælestino III. Pontifice data, fuit S. Augustini, ut Fr. Menenius in Delic. Equestr. Funccius in Chronol. & alij testantur. Secundum hanc Regulam omnes Ordinis huius fratres *cælibem agebant vitam*. A Colloquijs etiam cum mulieribus, præsertim junioribus, abstinere iubebantur. Imò neque propriam Matrem vel sororem ipsis osculari licebat. in *Regula* Num. xxvi. 1. Ad servitia tamen domestica quædam mulieres admitti permittuntur in *Reg. Ord.* num. xxxi. Vovebant etiam *paupertatem*. Qua de causa fratres Ordinis nihil proprii secundùm regulam possidere poterant, nisi ipsis id à Magistro, alijsve Superioribus fuisset concessum. Vid. *Regula* Ordinis num. 1. *Leges* Ordinis num. V. seq. *Leges* Conradi ab Erlichshausen pag. 109. & 110. Indè etiam cistas suas obferare prohibebantur ne quis pecuniam ipsos occultare suspicaretur. *Reg. Ord.* num. xxi. Quæ igitur possidebant, illa possidebant *communi nomine Ordinis & Capituli*, idque ob *Ægrotos, Pauperes & Ordinis Equites* sustentandos. *Reg. Ord.* num. II. *Mitti*
etiam

etiam in Regula permittuntur, qui eleemosynas colligant ad
agrotos curandos num. vii. Vovebant porro *obedienti-*
am, ut ex eadem Regula apparet. Præterea de *pietate* i-
psorum multæ etiam leges reperiuntur. Primus enim Or-
dinis hujus Magister instituisse dicitur, ut fratres singulis
diebus noctibusque ducentes Orationem Dominicam,
Symbolum Apostolicum & Salutationem Angelicam di-
cerent. Vid. Reg. Ord. num. VIII. Henneb. in Chron. fol.
162. Thom. Waissel. p. 42. Dicitur quoque constituisse
ut fratres Laici punirentur tantum ab eo, qui secundus es-
set à Magistro: Sacerdotes verò ab ipso Magistro, & qui-
dem occulte, nisi facinus enorme publicam exigeret pœ-
nam. Henneb. & Waissel. ll. cc. Vid. de pœnis fratrum
plurima, in Legib. Ord. num. xxxi & i. seq. Septies quoque
fratres quotannis jussi sunt sacrâ synaxi uti (1) die Viridi-
um (2) Festo Paschatos, (3) Festo Pentecostes. (4) Fe-
sto assumptionis B. Virginis (5) die omnium Sanctorum.
(6) Festo Natalitiorum Christi (7) Festo Purificationis
Mariæ. Vid. Regula num. ix. Huc etiam illud pertinet,
quod à Conrado à Feuchtwangen constitutum est, ut cel-
læ fratrum semper paterent, p. 78. b. Id enim factum est
eo fine, ne quid mali in occulto fratres designare possent.
Conf. & p. 76. VESTIS fratrum hujus Ordinis fuit *palli-*
um album cruce nigrâ insignitum. Interiorem ipsorum *tu-*
nica fuisse *nigram*, testatur Polyd. Vergil. lib. VII. de in-
vent. rer. cap. V. Singuli fratrum habere poterant *duo in-*
duſia, *duas vestes interiores*, *duo paria caligarum*, *tunicam*,
cappam, *unum vel duo pallia* &c. Consuetud. Ord. Num.
xxxvi. Conf. Regula num. xi. *Calcei* ipsorum erant sine
ullo ornamento. Reg. n. xi. Conf. Leges Contr. ab Erlich-
hausen pag. 112. *Arma auro vel argento* decorata fratribus

non concedebantur. in Reg. n. xxi i. Deinde Franc.
Menenius notat fratres Sacerdotes Ordinis huius facilitatem
obtinuiffe, ut sacra in armis facere possent, adeo ut de
eisdem verè dicere liceat. quod Rodericus Archiep. Toletanus
de suis proav. Equitibus: Qui laudabant in Canticis,
accincti sunt ense &c. in Delic. Equestr. p. 35. seq. Sacer-
dotes hi tondebant barbas suas, quod tamen reliqui Equi-
tes facere prohibebantur. Vid. Reg. num. xi i. & Leges
Conradi ab Erlichshausen. p. 112. b. Utebantur porro fr-
tres omnes lecto stramentitio, Concessum tamen ipsis er-
rat unum cervical. Leges Ordinis num. i. p. 41. Reg. num.
xi. **CONDITIO & STATUS** fratrum fuit. ut essent *Nu-
biles* & quidem *Germani*. Hoc tamen in Prussia non adeo
strictè fuit observatum. Nam Sigefridus à Feuchtwan-
gen xi i. Magister Ordinis admittit etiam plebejos, dum-
modò essent integræ famæ. Henneb. in Chron. fol. 281.
Neque illud quod de Natione Germanica diximus adeo
religiosè observabatur. Nam Scumandus Dux Sudinorum,
susceptâ religione Christiana, factus est frater Ordinis. Schuz-
lib. 1. fol. 41. De Polonis postea dicemus. **ÆTAS** quo-
que Fratrum cognoscenda nobis est. Videlicet nemo re-
cipiebatur in Ordinem antè 14. annum ætatis. Qui pueri
proprio motu Ordini se tradebant, educabantur à fratribus
usque ad perfectiorem ætatem, inde interrogabantur, utrum
vellent Ordini nomen dare necne? Regula Num. xxx. *Corporis
integritas* etiam in fratribus in Ordinem recipiendis require-
batur, quæ fermè omnia cognoscimus ex ritu investendi
Fratres, ut & ex ipsorum juramento. Describuntur hæc
nobis in Regula Ordinis his verbis: *Wenne der W. eilt
und die Brüdere das zu Rate weroent, daß sie empfien
wollent Brudere zu ir ordene / so sin sie senden einen
Brue*

Bruder zu senen' die da Brudere wollen werden uß dem
Capitel/ der sie lere alsus. Alle si kumen in den Cap
ittel. daz si kumen vor dem Meistere/ oder vor dem
den Capitel hendet unde in baten durch Got / daz si sie
entza zu dem Ordene ir sele zu behaldene. Und sal in
der Meister antworten; Die Bruder haben immer beten
hörer/ ob ir nicht an u hat der Dinge die wir uch pras
sen wollen-- ob ir uch in de keinen Orden verlobet habet.
Der de keinem Wibe von de keinem Gelübde gebunden
sit. oder de keinem Herrn eigen sit/ oder de keine Schuldec
sit. oder de keine Rechnung sit schuldec zutune/ davon
der Orden in ir hie bekümbert werden. oder de keine vora
holne rache habet/ unde were dirre Dinge de keine; der
wir uch vorgeleget haben an uch. Unde saget ir uns daz
nicht/ unde wurde wir es gewar hienach innen/ so enmach
et ir unser Bruder nicht sin/ unde hetet den Orden ver
loren. Si dicebant recipiendi se ab his omnibus liberos
esse, proponebantur ipsis sequentes conditiones: Daz sie
den siechen globen zu dienene/ und daz H. Land zu schir
mene. Und andere Land die daz zu gehörent vor den Dien
den Gotes/ als verre so man sie heizet. Ob sie de kein
Ampt können/ daz suln sie dem Meister sagen/ unde daz
iden nach sinem Willen/ und nach ir macht. Sie suln
auch globen zu helne den Capittel/ und des Meisters heims
lich Rat. Unde nicht zu varene von diene Orden/ ane
Durloub zu etnen and'ru lebene. His à Recipiendis ap
probatis, dies ipsis probationis concedendi crant, si verd
Ordinem statim suscipere volebant, iubeantur digitis li
bro impositis jurare: Ich enihelze unde gelobe Ruchtheit
mines libes, unde ane Eigenschaff: zu sine und gehorsam
Gote und S. Marien/ unde uch Meistere dii Ordens

des dütschen Huses und unren Nachkomen/ nach der Re-
geln und der Gewohnheit des Ordens des dütschen Hus-
ses. Daß ich euch Gehorsam will sin biß an minen Toot.
His peractis sacra synaxi utebantur, vestemque Ordinis à
Magistro vel alio fratre accipiebant. Additur deinde in
Regula. Den Brudern die man empfet zu dem Ordene
dene sal man geloben Wazzer unde Brot. unde also Eßes
dere/ und das sal man geben den Bruderen/ die ir Ampt
nicht wollen üben/ also lange biß daß si uß gerne üben &c.
Hæc in Regula num. xxvi 11. Schüzius in *Chronico Prus-*
sia paulò aliter hæc recenset, quæ tamen brevitatis causa
cogimur omittere. Vid. Schüz. lib. 1. fol. 15. **INSIGNIA**
Ordini Cœlestinus III. P. R. dedit, crucem nigram in campo
albo. Johannes verò Rex *Hierosolymitanus* hoc insuper
adjecit, ut liceret Ordini *crucem auream* cruci nigræ à Pon-
tifice concessæ inferere. Waissel pag. 39. & 45. *His Frid-*
ricus II. Imp. adjecit Aquilam nigram in campo aureo
Waissel. pag. 46. Tandem Ludovicus IX. Rex Galliarum à
Bello sacro reversus, auxit hæc Ordinis Insignia 4. *lilyis*
sub Conrado Lantgravio Hassiarum quinto Ord. Teut. Magistro
An. 1250. d. 20. Aug. Waissel. pag. 76. Ita verò Magistri
his insignibus utebantur, ut singuli suæ familiæ insignia
ipsis jungerent, uti videre licet in Chron. Waisselij ali-
isque MSS. **SIGILLUM** quod Ordini dedit Otto à Car-
pen II. dus Ord. Magister, sic describunt Hennebergerus &
Waisselius: Es war länglicht mit einer Figur eines Esels/
darauff saß ein Bildnuß der Jungfr. Marien mit dem
Kindelein Jesu/ dabey ging Joseph mit einem Stabe
und leitet den Esel/ die Umschrift des Siegels war: Das
ist das Siegel des Meister-Amptes des deutschen Hauses
zu Jerusalem in Comment. ad Tab. Pruss. Geogr. fol. 364.
Waiss-

Waissel. in Chron. p. 43. Testatur autem ibidem Waissellus
usque esse hoc Sigillo Magistros usque ad Fridericum Du-
cem Saxonie penultimum Magistrum Prussie, quem hoc
Sigillum mutasse refert, secus atque Schützius opinatur, in
Chron. fol. 16. Videlicet ultimi duo Magistri utebantur
in sigillo solâ imagine B. Virginis cum puerulo Jesu. Quam-
vis & ante hæc tempora ejusmodi sigillo usi sint & alij, quod
ex Privilegio quodam Lud. ab Erlichshusen observavi. Alij
Magistratus Ordinis utebantur sigillo sibi à Magistro con-
cesso, prohibebanturque illud ministris tradere asservandum.
Reliqui fratres sigillum proprium non habebant, nec scri-
bebant ad alios, neque legebant ab alijs transmissas sibi li-
teras sine consensu Superiorum. Vid. Reg. Ord. num. XIX.
& Leges Dieterici ab Aldenburg, in eodem Codice MS. pag.
85. SEDES hujus Ordinis primaria ab initio fuit *Hierosoly-
mis*, secundum Jacobum de Vitriaco, secundum alios *Acco-
na*: Deinde *Venetijs* Postea secundum quosdam *Marpur-
gum* sede Magistri fuit translata. Tandem Sigefridus à Feucht-
wingen Xlinus Ordinis Magister Sedem suam *Mariaburgum*
in Prussiam transtulit.

XII. Hæc de illis institutis, quæ totum Ordinem con-
cernebant, nunc etiam in specie de præcipuis Ordinis hujus
membris inædam nobis dicenda erunt. Caput Ordinis erat
MAGISTER, ut initio appellabatur. Nam postea, cum si b
Hermannò à Salza Ordo multis opibus & dittonibus esset
auctus, auctus etiam est titulus Magistri, ita ut non amplius
Magister, sed *Generalis Magister* (*Hohemeister*) dicere-
tur. Idque ad differentiam aliorum Magistrorum, qui ipsi
us nomine Prussie, Livonie aliisque Provinciis præerant, &
dicebantur *Provinciales Magistri*. Eorum Magistrorum

D

Pro-

Provincialium precipui fuerunt tres. Primus fuit in *Prussia*. Cum enim ab initio ipse Magister Generalis *Hermannus à Salza* auxiliorum contra *Puolos*. Veteres contrahendorum gratia in Germania degeret, excavit hic in *Prussia* Gubernatorem, sive Magistrum Provinciale *Henricum à Balke*, quem antequam Magistri generales Sedem in *Prussia* transferrent, alij sedecim sequebantur, usque ad *Henricum à Plozko*, quo Magistratum hunc Provinciale gerente, *Sigfridus à Feuchtwangen* Magister generalis An. 1309 Sedem *Prussia* translata, provinciam hanc ipse per se administrare coepit, postquam eam Prædecessores ipsius, octoginta præter propter annis per Magistros Provinciales gubernassent. Secundus fuit in *Livonia*. Cum enim *Ensisers* Equites *Livonici* hostium barbarorum impetum diutius sustinere non possent, petit *Volquinus* ipsorum Magister, ut in Ordinis *Teutonici* consortium reciperetur, sed ipse *Volquinus*, ut vult *Wassilius*, interea mortuus est. Alij hoc tribuunt *Adelberto* Rigenfi Episcopo, qui, adiutoribus *Engelberto & Theodorico Tisenhusijs* sibi cognatis, conjunctionis hujus Auctor fuisse dicitur. Vid. *Fr. Menenius* in *Delic. Equestre*. Hinc cum fratres *Livonici* albam vestem cum nigra cruce suscepissent, datus est ipsis An. 1238. ab *Hermannò à Salza* in Magistrum Provinciale *Hermannus Balke*, qui antea *Prussie* Magister Provincialis fuerat. Ex eo tempore fratres *Livonici* Magistrum Provinciale, à Magistro *Prussie* accipere solebant usque ad tempora *Alberti March. Brandeb.* ut postea dicitur. Tertius fuit in *Germania*. Cum enim *Sigfridus à Feuchtwangen* in *Prussia* sedem Magistrorum generalium transfulisset, ex eo tempore ipse & successores ejus *Germanicas Provincias* gubernarunt per *Magistrum*

gistrum Provinciale. Præter hos fuerunt & alij Ordinis
 Teutonici Magistri Provinciales. Petrus à Düsburg, qui An-
 no 326. Historiam suam Prussicam Wernero ab Vrseln Ma-
 gistro generali dedicavit, numerat septem ejusmodi Ma-
 gistros, nempe *Livonia, Prussia, Teutonia, Austria, Appulia,*
Romania & Armenia, in Chron. Pruss. fol. 8. Abrogatus de-
 inde in Prussia Provincialibus Magistris solebant tamen po-
 stea & alij *Vices gerentes* sive *Gubernatores* non raro eligi.
 Videlicet quando Magister generalis ipse ad bellum pro-
 fectuscebatur, tum ne interea Provincia hæc sine Rectore exi-
 stens periculis bellicis obiceretur, solebat ex fratribus Or-
 dinis aliquem Gubernatorem constituere. Sic tempore bel-
 li Tannebergici sub Ulrico à Jungingen XXIII. Magistro
 Ordinis, constitutus fuit Gubernator Prussie Henricus Reus
 à Plaven Commendator Swezensis, apud Schuz. lib. III.
 Chron. f. 104. Conf. lib. VI. in pr. Deindè Magister peri-
 culoso morbo decumbens, solebat uni ex fratribus sigil-
 lum suum tradere, ut illud futuro Magistro conservaret, quo
 ipso eum gubernatorem Prussie denominabat: Si autem
 is Ordini non placebat, poterat Capitulum Ordinis post
 mortem Magistri alium eligere Gubernatorem. Vid. Con-
 suetudines Ordinis. num. 1. & 17. Exempla videantur apud
 Henneb. in Chron. fol. 287. Waissel. in Chron. pag. 116.
 Ejusmodi gubernator etiam fuit Henricus Reus à Plauen,
 postquam Ordo in Regum Poloniae fidem An. 1466 con-
 cessisset. Ne enim ex Pactis Regi juramento fidem adstrin-
 gere cogeretur, Vices gerentem non Magistrum se dici vo-
 luit per integrum biennium. Cui etiam moneram jussit cum
 inscriptione: HENRICUS QVA VICE GERENS. Hen-
 neb. f. 200. Waiss. p. 245. Schuz. lib. VII. fol. 335. Quam-

vis verò ejusmodi Vicesgerens loco Magistri Provinciæ huic præfuerit, non poterat tamen præferri sibi curare clypeum & chlamydem Magistri, neque locum Magistri capiebat ad mensam vel in templo, ut habetur in Consuetudin. Ord. num. XXXIV.

XIII. Sed ad Magistrum generalem revertamur, ritus in eo eligendo usitatos enarraturi. Vicesgerens dicto modo, defuncto Magistro, constitutus, literis ad singulos Magistros Provinciales missis, diem Electioni futuræ præstiterat, ad quam se Magistri Provinciales, substituto in suum locum alio, ex exteris regionibus in loco Electionis sisterent, cum socio ex Ordinis fratribus electo. Interea vestes defuncti Magistri in egenos distribuiebantur. Alabatur quoque per totum annum pauper quidam pro anima Magistri; ut aliàs, fratre alio defuncto, ali solebat per 40. dies. Die Electionis appropinquante convocabantur fratres ad Electionem pertinentes. Ipso die Electionis missa celebrabatur: Leges deinde prælegi solebant: Quilibet fratrum quindecim Pater noster orabat; Egenis 13. cibus præbebatur. Tum *Vicesgerens* communi Consilio totius Conventus equitem unum eligebat in *Commendatorem Electorum*. Is Commendator eligebat sibi *alium* fratrem in collegam. Hi duo *tertium* postulabant, & hi tres *quartum*, & sic porro, usque dum *numerus* 13. Electorum completeretur. Inter illos unus erat Sacerdos, 8. Equites & quatuor alij fratres. Id verò agebant fratres, ut Electores singuli, si fieri posset, essent diversarum nationum, ne gratiæ esset locus. Post hæc Electores juramento obstringebantur, quò in electione nihil nisi salutem publicam & Ordinis incrementum spectarent. Fratres etiam alij jusjurandum præstabant, de futuro

Magistro, qui ab Electoribus denominandus fuerat, sine mora recipiendo. Electores, si inter se aliquem ad hoc munus idoneum viderent, iubebant ipsum paululum secedere, tum sententias singulorum explorabant, & si fratrum ad eum eligendum animos propensos conspicerent, mittebant eum ad Capitulum, rogantes, ut pro ipso alius à Capitulo substitueretur Elector: Si verò dicto fratri reclamaretur ab Electoribus, revocabatur in Collegium Electorum. Primum votum habebat Commendator, quem reliqui Electores ex ordine vota dantes sequebantur. Pluralitas votorum dabat Magistrum. Tum Electores ad Conventum generalem reversi, Electum à se Magistrum fratribus populoque sistebant. Hinc faustæ omnium acclamationes: Sacerdotes decantabant hymnum: *Te Deum laudamus*: Campanæ pulsabantur, aliaque lætitiæ signa undique edebantur. His ita peractis Vicesgerens electum Magistrum ad altare deductum muneris rectè gerendi commonefaciebat, tradens (per se, vel per alium forsan fratrem) novo Magistro annulum cum sigillo. Tunc Magister Vicesgerentem, ut & illum, qui sibi annulum & sigillum tradiderat, osculabatur. Quod si electus Magister non erat præsens in loco Electionis, tantum in Conventu denominabatur, postea commodo tempore, cum se sitisset, inaugurandus. De his Vid. Consuetudines Ordinis à n. n. 1. ad x. Dignitas Magistrorum, Regiæ ferme dignitati equiparabatur, Vid. Petr. à Duisburg in Chron. fol. 19. Titulorum tamen splendor nullus erat. Primus Conradus à Walerod XXI⁹ Magister generalis coepit utulum Dignitatis suæ convenientem sibi adscribere, ut aliorum Principum more nomini suo præfigeret illud: *Nos Dei gratia*. Quamvis subsequutis temporibus

ribus neque hoc fuerit observatum, cum & post ea tempora titulum hunc reperire liceat: *Nos frater N. N. Ordinis fratrum Hospitalis S. Mariae Teutonicae Domus in Hierusalem Generalis Magister.* In Conventu Magistro cum alijs fratribus accumbenti, id honoris exhibebatur, ut ipsi quatuor partes carniū & piscium darentur, ut eo melius munificentiam suam erga fratres poenitentes vel etiam alios exercere posset. in *Legib. Ord.* num. 1X.

XIV. Magistrum vel ejus Vicesgerentem sequebantur EPISCOPI. Fuerunt autem sequentes. Nemp̃ *Warmiensis* cujus sedes antea fuit Brunsbergæ, postea verò Heilsbergæ; *Culmensis*, qui olim Varmiensem antebat teste Cromero lib. 2. Descript. Polon. p. 220. Hic Lubavia Sedem suam habet. *Pomezaniensis*, qui Sedem suam habuit Risenburgi; tandem *Sambiensis* cujus sedes erat in oppido Fischhausen usque ad Georgium Polenz, qui sub Alberto Balgam concessit. Hos quatuor Episcopatus instituit *Innocentius IV. P. R.* per Wilhelmum Episcopum Murinensem Legatum suum. An. 1243. teste Petro à Dusburg, in Chron. fol. 60. Quamvis *Culmensis* jam ante instituisse dicatur Conradus Masoviae Dux, ita ut hic non nisi confirmatio Pontificis accesserit. Vid. Schuz in Catal. Episcop. Culmens. Chronicis præfixo. Fuerunt autem dicti Episcopi subiecti Archiepiscopo Rigensi, ut Metropolitano suo. Vid. Franc. Merennius in Delic. Equestr. Dav. Chytrzus in Saxonia lib. 1. fol. 18. Id etiam notandum est, non fuisse Episcopos Prussiae statim ab initio inter membra Ordinis numeratos, sed eos successu temporis eo fuisse adductos, ut Ordinem ingrederentur. Imò Episcopum *Warmiensem* Magistri & *Ordinis* dominatum nunquam agnovisse, testatur Cromer. lib. 2. Deo

2. Descript. Polon. p. 220. Hinc etiam factum esse puto,
quod in Regula, Legibus & Consuetudinibus Ordinis nulla
reperiantur Statuta de Episcopis. Patet id etiam ex Catalo-
go Episcoporum Sambiensium apud Hennebergerum, ubi
Siffridus III. Episcopus *Sambiensis* dicitur cum Capitulo suo
Ordinis regulam suscepisse. in Chron. fol. 131. Legem de-
indè Conradus à Jungingen fixit, nè quis in Episcopum
Prussiae eigeretur, nisi fuerit Ordinis Teutonici frater. Wais-
sel. pag. 13. Conf. & pag. 132. Undè etiam, in Pactis An.
1466. cum Rege Poloniarum initis, Episcopatus Sambiensis di-
citur & in capite & in membris regularis, apud Joan. Janu-
szovium lib. VII. Constit. Polon. Part. 111. tit. 1. fol. 876.
In Livonia quoque Archiepiscopus Rigenfis post varias
contentiones & tumultus, tandem per publicam Pontificis
sententiam, assumptâ Ordinis veste, factus est regularis. Nam
Sylvester Torunienfis Prussus Archiep. Rigenfis bullam ha-
bitis inter Archiepiscopos & Ordinem crexit, quâ perpetuò
se & successores ac Collegas suos eodem cum Ordine ha-
bitu usus & fratres Ordinis fore professus est. An. 1451.
mense Julio. Vid. Albert. Cranz lib. IX. Wandal cap. xxviii.
Dav. Chytræus in Saxonia lib. 1. fol. 19. 20.

XV. Episcopos excipiunt PRÆCEPTORES (de Ge-
bleitger) alique Magistratus, qui officiis publicis in hac Pro-
vincia, præter summum illud Magistri ipsius generalis, vel
etiam ejus Vicesgerentis præerant. Inter hos primus erat
Commendator magnus (Stroß-Comptur) Cum enim, ut
supra diximus, Sigfridus à Feuchtwangen Magister genera-
lis An. 1309. ipse in Prussia præsens Reipubl. Prussicam
gubernare constitisset, sublato Magistri Provincialis offi-
cio, aliud, nempe Commendatoris magni, officium substi-
tuit

xit, eique Henricum à Plozko (antea Magistri Provincialis
munere, absente Magistro generali, functum) praefecit. Non
fuisse autem Commendatoris generalis officium ad certum
anquod negotiorum genus restrictum, sed omnibus Con-
sulationibus ipsum ex aequo praefuisse, tradit Henneberge-
rus in Chron. fol. 281. & ex eo Waissel. p. 104. seq. Quae
tamen secus sese habent. Nam Magno Commendatori
praeter commune Consilij munus, aliaque, de quibus
paulò post dicemus, commissa fuit in specie cura thesauri,
frumentariae rei, & navium. Fratres quoque Sacerdotes. & lai-
ci, item ministri domi habitantes, ut & Opifices sub ipsius
fuerunt inspectione. Vid. Consuetud. Ord. num. X & X. in
ijsdem Consuetudinibus Consilium datur Magistro, ut pote-
grè profecturus Magnum Commendatorem ponus, ut iam
omnium negotiorum gnarum, suo loco regimini prae-
ciat, quam alium aliquem fratrem. Haec tamen arbitrio Ma-
gistri permittuntur. num. xxxi. Habebat Commendator
Magnus in bello & in itinere fratrem Equitem & alium fratrem,
praeter alios Ministros, qui ipsi comitarentur cum xxx. Secun-
dus erat *Marſchaleus Ordo*, sive *Marſchaleus supremus*
(*Oberſter Marſchalt* vel *Landmarſchalt*) cui eadem
suam habuit in arce Regiomontana. Eius erat rei bellicae
curare, quam ob rem ipsi secundum Magistrum subieci-
rant omnes fratres Equites. Hic fratribus procurabat ar-
ma & equos. Duos etiam fratres habebat comites, unum
fratrem equitem. & alium fratrem, praeter Vice Marſchal-
cum aliosque ministros. Consuetud. Ord. n. xxi. Por-
terat quoque Marſchaleus absens alium in suum locum sub-
stituere. Consuetud. Ord. n. XLV. Sine consensu tamen Magi-
stri non emebat equos, nisi necessitate urgente; non poterat

rat etiam aliquem dimittere ab exercitu inconsulto Magistro. In bello itidem sine indultu Magistri hostem aggredi prohibebatur. Vid. Consuet. Ord. num. xxvi. i. & seq. & n. LV. Ratione prærogativæ illud observatum fuisse legimus. Pacis tempore Commendator Magnus præcedebat Marschalcum, ipsiusque officii erat, absente Magistro & ejus Vicesgerente, Capitulum convocare. In expeditione verò bellica Marschalcus præcedebat Commendatorem Magnū, imò hic ab illius nutu dependebat, ut & ceteri Commendatores majores, nempe Trapiarius & Thesaurarius. Congregebat etiam Marschalcus Capitulum in expeditione bellica, si Magister & ejus Vicesgerens aberat. Et hæc in generalibus expeditionibus observabantur. Quando verò multi hostes erant reprimendi, tum sæpius Commendator Magnus à Magistro contra hostem missus munere Marschalci fungebatur. Imò hoc in universum notandum est, Commendatorem Magnum munia Marschalci, & contra Marschalcum munia Commendatoris Magni in absentia alterius obisse. Consuetud. Ord. num. xxvi. & xxxii. Conf. Schuz. lib. II. fol. 76. b. Tertius in ordine sequebatur *Hospitalarius supremus*, qui Elbingæ, ut Commendator illius loci, sedem suam habebat. Eius officium erat peculiare, curam gerere pauperum, alijsque Hospitalarijs inferioribus præscribere, qua ratione proventus ad Xenodochia pertinentes administrare tenerentur. Hospitalarius hic supremus non tenebatur rationes reddere reddituum & expensarum, ut eò liberalior esse posset in ægrotos aliosque pauperes. Si verò sumptus deficerent in pauperes & ægrotos impendendi, Commendatoris magni erat, eos procurare. Consuetud. Ord. num. xxxi. i. i. Habebat Hospitalarius supremus suos *Hospitala-*

salarios inferiores, qui singulis Hospitalibus præerant. Quæ-
tus fuit *Trapiarius*. (*Trapiere*) Hic secundum Henneber-
gerum & Waisselium præerat rei monetariæ. ll. cc. Ast Joh.
Jacob. Speidelius putat Trapiarium curasse rem domesticam
damit in Küchen und Keller alle Nothdurfft vorhanden sey.
In Speculo Jurid. Polit. Hist. Observ. in voce Commendhu-
sen. Secundum Speidelium itaque Trapiarius idem erat, qui
Culinæ præfectus vel etiam Dapifer. Verum nos de Officio
Trapiarii melius edocemur ex ipsis Consuetudinib. Ordinis,
quæ Trapiario tribuunt curam rei Vestiariæ. Sic enim
Consuetudines illæ: zu des Trapires Ampte gehöret die
Traperie Wapen = Rofte. Spaldenir. Knillinge. Van-
nen. Wapen = Huben. Wapen/ Hantschu/ Gürtel/ unde
andere Kleidere. Die sal der Trapiere den Bruderen
geben/ das gehöret zu süne Ampte. Die alten Kleidere
die er nach dem Winter von dem Bruderen auffgenimet/
die sal er zu dem anderen Winter behalben/ zu theilne gleich
dem Commendure unde dem Marschalcke &c. num. xxxv.
Quando fratri alicui pannus dono mittebatur, poterat eum
retinere permittente Trapiario: Si verò pannus duobus pal-
liis conficiendis sufficiebat, dimidiam partem frater Trapiar-
io tradere cogeatur. Consuetud. num. XL. Deindè Fra-
tribus ex Conventibus aliò missis Trapiarius de viatico pro-
videbat. Leges Conradi à Feuchtwangen in Codice MS.
p. 78. b. Ex his etiam patet, quid sit sentiendum de sententia
Joh. Limnæi, qui nomen Trapiarii derivat à Gallico *Trapez*
& hoc iterum à Græco *τραπεζα*, unde trapezita. Tom. 1. Ad-
ditionum ad lib. VI. Jur. Publ. cap. II. num. 57. Commodi-
us itaque Trapiarij nomen derivatur à Gallicâ voce. *drap*.
quod pannum significat, unde *Drapier* est pannarius propo-
la &

la, & draperie est locus ubi pannus venditur, item vestes ex
panno confectæ. Quintus fuit *Thesaurarius*, qui Germanicè
Tressler dicebatur. *Tressler* enim in Legibus Ordinis sumi-
tur pro loco ubi thesaurus reponitur. Quodnam fuerit offi-
cium thesaurarii, ex ipso nomine patet. Non assentior igitur
Hennebergero & Waisselio, qui dicunt Thesaurarium ex præ-
scripto Trapiarii pecuniam publicam administrasse. Reside-
bat thesaurarius semper in aula Magistri, ut eo facilius Magi-
stro sumptus necessarios suppeditare posset. Vid. Henneb. &
Waissel. ll. cc. Conf. & Consuetud. Ord. num. xix. Cog-
batur autem thesaurarius, ut & alij Officiarii, singulis mensi-
bus rationes Redituum & Expensarum Magistro reddere.
Quod si Magistro commodum tempus non erat ad rationes
audiendis, committebat hoc negotium Commendatori ma-
gno alijsque fratribus, quos Commendator sibi ad hoc nego-
tium adungere volebat. Consuetud. Ord. num. xxxi. i.

XVI Præceptores hos maiores sequebantur *COM-
MENDATORES*, qui triplicis erant Ordinis. Alij enim
erant *Commendatores Provinciales*, (*Land Commenthür*)
& sunt ferè iidem cum illis, quos supra appellavimus Magi-
stros Provinciales, ut non solum ex Legibus Ordinis, sed eti-
am ex Petro Dusburgio patet. fol. 8. ubi septem fratres Com-
mendatores seu Præceptores provinciales enumerat, quos su-
pra inter Magistros Provinciales enumeravimus. Præter di-
ctos autem fuit etiam in Germania, ein *Land-Compthur der*
Baley Elßaß und Burgund / & *Land-Compthur der Baley*
Coblenß. Vid. Adam. Pifszki à Kranichsfeld, de statu Secu-
lari cap. xv. p. 421. & Speidel. l. c. In Prussia, quantum mi-
hi observare licuit, unus tantummodò post Magistrum Pro-
vincialem, fuit Commendator Provincialis, nimirum *Com-*

commendator terra Culmensis (Land *Comptthur* im Culmischen Lande) qui Privilegium Culmense An. 1251. renovatum subscripsit, antè Marschalcum Ordinis aliosque Commendatores terræ Culmensis. Mentionem hujus Commendatoris facit etiam Dietericus ab Aldenburg in suis legibus, ubi cum sic describit: *der an unser stadt wird gelassen im Lande zu Culmen.* in Codice MS. pag. 88. b. Alij erant *Commendatores* simpliciter ita dicti (*Commenthur*) quales fuerunt Culmensis, Thoruniensis, Elbingensis, Dantiscanus, Regiomontanus, Brandeburgensis, Balgensis, & alij plurimi. Munus horum Commendatorum erat, mandata Magistri generalis & Ordinis in suo districtu exequi, ut & Nobilitati ejus districtus cum iudice terrestri districtus illius (*Landrichtter*) qui fuit secularis Officiarius ex Nobilitate Prussica lectus, & cum Notario terrestri, jus dicere. Vid. Schüz lib. IV. fol. 168. b. Tandem fuerunt etiam *Commendatores castrorum*, sive *Præfecti & Provisores arcum*, item *Castellani*, ut in antiquis privilegijs appellantur (*die Hauf-Comptthur*). Inter eos Commendatores primum videtur locum obtinuisse Commendator Starkenbergensis in Culmensi Provincia ad Oslam amnem. Hi Commendatores habebant curam castrorum sibi commissorum, assidebant quoque judicijs in quibusdam urbibus, cum iudice Civitatis. Et quidem Dantisci, quod mirum est, locum Commendator Arcis à sinistro iudicis latere habebat, quod postea Commendatores illi ægrè ferebant. Vid. Schüz. lib. v. 1. fol. 267. a. Alibi etiam à Magistratu civico dabatur appellatio ad Commendatorem arcis, ut postea dicitur. Porro Commendatores & Castellani habebant iterum suos Subcommendatores: an verò illud in omnibus Commendis obtinuerit, non liquet. Præterea
& hoc

& hoc notandum est, quod inter Commendatores simpliciter ita dictos habuerint locum suum, *Advocatus Provincialis Samlandie in Schaken* (Landvogt auff Samland zu Schacken) & *Advocatus Samlandie in Fischhausen* (Vogt auff Samland zu Fischhausen) ut patet ex subscriptione Privilegij cujusdam Regiomontanis à Conrado à Tierberg Magistro Provinciali An. 1286. concessi, ubi hic ordo in subscriptione observatur: Marschaleus Prussie, Commendator Regiomontanus, Commendator Brandenburgensis, Advocatus Samlandie (Vogt zu Samland) Commendator Ragnitensis, & alij, apud Joh. Freiberg in Chron. MS. Quamquam aliquando hæc Advocatorum Samlandie officia videantur fuisse sublata, administratione Samlandicæ Provinciæ Marschalco supremo commissa, ut colligi potest ex Privilegio ab Henrico Plavenio Magistro generali An. 1413. Samlandis dato, ubi hæc habentur: Und würde iemand (ex Samlandis) zu Gebäuden bedürffen / der soll den Marschalck darumb zusprechen und bitten / oder einen Vogt / ob hernachmahls ein Vogt uff Samland gesetzt würde. Vid. Privileg. Pruss. p. 5. b. Commendatorum etiam titulo gaudebant alij Officiales; ut *Commendator minor* (der kleine Commendor) cui cura competebat rei domesticæ. Providebat enim omnibus castris eorumque defensoribus devotæ necessarijs. Fungebatur etiam munere *Ædilis*. Reparatio enim arcium aliorumque ædificiorum publicorum ad Commendatorem minorem pertinebat. Vid. Consuet. Ord. num. xxxvi. Item *Commendator rei cibarie* (Speiß Commendor) qui ut Promus Condus fratribus cibum & potum dividebat. Erat autem sub directione Commendatoris magni. Consuetud. Ord. num. LVII. Reliqua officia

minora strictim tantummodò commemorabimus. Erat inter ea officium deß Schildknecht-Meisters, qui fratribus procurabat ephippia, frena, strigiles & alia. Singulis diebus Veneris Capitulum habebat cum militibus. Consuetud. Ord. num. XLI. Item erat inter Officiarios minores der Bruder vom Sattelhauß/ qui fratribus procurabat frena, aliaque lora. Consuetud. n. XLII. Item der Bruder von der kleinen Schmiede/ qui procurabat calcaria, stapedas & alia num. XLIII. Fuerunt inter eos etiam die Convents-Herren Pfleger/ Vögte/ Fischmeister/ Mühlmeister/ quæ tamen officia non suo ordine recensemus. Hoc certum est fuisse inter hæc officia, à quibus fratribus dabatur aditus ad summas dignitates. Nam Henricus à Richtenberg *ex Praefecto Piscatorum* (Fischmeister) factus est Hospitalarius supremus, & tandem Magister generalis. Henneb. in Chron. fol. 201. Waissel. pag. 246. Joannes à Tieffen antea fuit *Curator* (Pfleger) Schaccensis, deinde factus Commendator Brandeburgensis, tandem ad summam Magistri generalis provectus est dignitatem. Nec prætereundum tandem est Officium ejus, qui dicebatur *socius Magistri* (deß Hoffmeisters Compan) Vid. Subscriptio Privilegij Samlandis, ab Henrico Plavenio dati. Inter Privileg. Prussica pag. 5. b. Officij hujus origo hæc esse perhibetur: Cum Wernerus ab Urselen Magister generalis esset interfectus, constituit Luderus Dux Brunsvicensis & Magister generalis in Capitulo, ut Magistro ejusmodi socius adjungeretur, qui à latere Magistri non recederet, sed responsa ejus nomine petentibus daret, & sic periculum à capite Magistri averteret. Henneb. in Chron. fol. 286. Waissel. p. 113. b.

XVII. Tandem fuerunt etiam alij Fratres Ordinis, qui
iterum

iterum variè dividebantur. Alij enim erant *Sacerdotes*, alij
non Sacerdotes. Hi rursus erant aut *Equites* aut *Laici*. Con-
cedebatur enim per Regulam Ordinis ut in Ordinem reci-
perentur etiam seculares, non solum coelibes, sed etiam con-
jugati; Crux tamen tota in vestibus horum non exprime-
batur. Vid. Reg. Ord. n. xxxi. Hinc etiam alibi Regula
dicta distinguit inter *Priester-Brüder / Pfaffen die nicht*
Priester sind / und Lâpen. n. x. Agmen clauderant Novi-
tij, quos à reliquis distinguebat vestis adhuc secularis. Vid.
Reg. Ord. num. xxi. p. 32. b. fin. Conf. & Schuz. lib. II.
Chron. fol. 64. Deindè fratres Ordinis dividebantur in certos
Conventus, quorum singulos constitutebant duodecim fratres
(secundùm numerum 12. Apostolorum) quibus præerat u-
nus Commendator, ut dicitur in Regula Ord. num. xxi. 1.
Deinde Winricus à Kniprode xix. Magister generalis iti-
dem constituisse dicitur, ut 12. Equites & 6. Sacerdotes Or-
dinis unum constituerent Conveniunt, singulisque Conven-
tibus unus præesset Commendator. Henneb. in Chron. fol.
290. Addit his Waisselius, sub eodem Kniprodio 30. ejus-
modi fuisse Conventus in Prussia numeratos. in Chron. p.
121. b. Ab initio instituti Ordinis 40. tantùm fuerunt fratres.
Deindè Hermannus à Salza, qui primus Prussos genti-
les oppugnare cœpit, id unicè exoptavit, ut tantum 10.
fratres in proclium contra hostes armare posset, sed postea
numeravit in Ordine suo mille fratres, ut vult Henneb. in
Chron. fol. 366. Sed Casp. Schuz fol. 16. & Waissel. in
Chron. pag. 45. secuti Petr. Düsburgium & alium Anony-
mum ejusdem ferè cum Düsburgio ætatis Scriptorem, di-
cunt duo fuisse fratrum millia, videlicet in omnibus Pro-
vincijs Ordinis. Etenim cum Ordo in Prussia maximè flo-
ret

geret sub Conrado à Jungingen, non fuerunt multò plures,
quam mille fratres in Prussia numerati. Sic enim Waissel:
In diesen Zeiten / war der Orden in Preussen sehr
mächtig / und alle Aempter waren wol besetzt. Erstlich
war der Hochmeister / zu nechst ein Groß-Commenthur/
darnach ein Landmarschalck / darnach drey Bischöffe / acht
und zwanzig-Commentors / sechs und vierzig Haus-Com-
mentors / ein nud achtzig Spital- Herren / fünff und dreiß-
sig Convents- Herren / fünff und sechzig Kellermeister si-
ben und dreyßig Pfleger / achtzehn Bögge / neun und dreiß-
sig Fischmeister / drey und neunzig Mühlmeister / hundert
und vierzehn alte krankte Creuxherren / sieben hundert ge-
meine Ritter-Brüder / hundert und zwey und sechzig Chors-
Herren und Creux-Priester / fünff und dreißig Thumher-
ren / fünff und zwanzig Pfarrherren die das Creux hatten /
sechs tausent und zweyhundert Dienstnechte und Gesinde.
Hæc Waissel, in Chron. p. 132. In hoc tamen indice non-
nulla desiderantur, ut ex superioribus facile apparet. Porro
neque hoc omittendum est, quod fratres hi sub Zolnero à
Rotenstein circa An. 1391. noluerint amplius dici Creux-
Brüder sed Creux-Herren. Henneb. fol. 293. Waissel. p.
126. Scilicet potentia ipsis nihil moderati suadebat. Hinc
luxus, hinc varia flagitia, hinc Legum Ordinis contemptus
& impotens in subditos dominium. Facilius hæc cogno-
sceremus, si vera essent, quæ Casp. Schüzius de luxu horum
fratrum refert. Eo enim jam rem processisse dicit, ut Conradus
à Jungingen XXIIldus Magister lege coactus sit cavere, ne
Equites Ordinis singuli plures quam decem, neque Commen-
datores singuli plures quam centum equos alerent, præter
eos, quos ad agriculturam adhiberent. Schüz. lib. III. fol. 97

His

His tamen fidem derogant Statuta & Consuetudines Ordinis Teutonici, quæ longè minorem equorum numerum alijs Magistratibus majoribus, imò ipsi quoq; Magistro assignant. Vid. Consuetud. Ord. num. XLIV. & XLVII. Ut jam nihil dicam de Legibus Conradi à Jungingen in Codice Antiquo MS. contentis, ubi nihil tale reperitur.

XVIII. Sed jam propius accedamus ad formam sacri hujus Regiminis in Prussia. Monarchiam hæc absolutam sub Ordine fuisse, asserere non possumus. Nam quamvis Magister generalis Regia potestate Prussiæ præfuisse videatur, neque tamen liber fuit ab imperio superioris, neque suis simpliciter imperavit. Quod prius concernit, notum est Magistrū generalem cum suo Ordine fuisse tum *Pontificis Romani* quoad Ecclesiastica, tum *Imperatoris Germanici* quoad civilia, imperio obnoxium. Quamvis Pontifex non rarò se etiam Politico regimini immiscuerit, adeò ut quidam Scriptorum nostrorum Pontifici imperium etiam Politicum tribuere videantur. Fatentur idem ipsi Cruciferi. Hi enim contra foedus Polonicum excipientes, sese sui juris non esse asserunt, cum omnes Provinciæ & possessores Ordinis immediate Sanctæ Sedi sint subjectæ, apud Schurz lib. IX. fol. 408. b. Neque desunt exempla potestatis Pontificiæ hic in Prussia exercitiæ. Ad regimen Ecclesiasticum pertinet illud, quod Episcopi injuriâ affecti ad Papam provocarint. De Winrico à Kniprode Vid. Waissel. p. 124. Deindè cum Hermannus à Grunbach Magister Provincialis duos Ordinis fratres comburi curasset, eò quod cum Prussis Veteribus contra Ordinem dira moliti essent, jussit Papa Magistrum generalem, ut Provinciale Magistrum removeret, Poenitentiamque ipsi in duos annos injungeret, ut habet Joan. Freiberg

berg in Chron. Pruss. fol. 27. sub Poppone de Osterna. Porro cum Henricus à Richtenberg XXXmo Magister generalis Episcopum Sambiensensem nomine Dietericum à Cuba in carcerem coniici & è medio tolli iussisset, dicitur Sixtus IV. Papa Rom. in hæc prorupisse verba : *Deleatur pessima illa nigra crux, maledictus enim Ordo, ubi Laicus regis super Clerum.* Indè Magister coactus est coram Pontifice causam suam agere. Waissel. pag. 248. & 251. Regimen quoque Politicum sibi arrogabant Pontifices. Prussiam enim Feudum Pontificis esse disertis verbis asseruit Legatus Pontificius sub Ludovico ab Erlichshausen. Schuz, lib. IV. fol. 164. b. Quod autem Magister Prussie Imperatori German. fuerit obnoxius, vix dubitari potest. Cum An. 1335. sub Dieterico ab Altenburg Magistro Prussie Ordini controversiam movisset Legatus Pontificius de finibus Prussie, mandavit Ludovicus Imperator Magistro, sub gravi poena, ne minimam etiam portionem terræ, quam ab Imperio ut Feudum possidebat, alienaret, neque alium iudicem hac in re se inscio agnosceret. Schuz lib. II. Chron. fol. 68. Varia deinde mandata Imperatoris ad Magistrum & Ordinem missa habentur Vid. Schuz. lib. III. fol. 127. a. 130, a. seq. lib. IX. fol. 410. Concessit etiam Imperator Magistro potestatem vestigalia imponendi. Schuz lib. IV. fol. 146. b. pr. Agnovērunt hoc imperium & ipsi Cruciferi. Vid. Schuz lib. IX. fol. 400. lib. X. fol. 458. lib. II. fol. 85. b. Quamvis verò Cruciferi ad iudicium Imperatoris non rarò provocaverint, hoc tamen illis tantum temporibus facere solebant, quando ab hostibus in angustias redigebantur; aliàs Imperatoris auctoritas hic fuit exigua. Ex eodem fonte fluxit, quod etiam Elbinga & Dantiscum urbes fuerint non secus atque alie

Liber

Liberæ Imperiales urbes ad Comitia vocatæ, non alia de causa, quam ut hoc honore insecatæ imperio Polonico sese subtraherent Ordiniq; subjicerent. Factum hoc est sub Casimiro IV. Jagellonide Rege Poloniæ, postquam Prussi, eiccto Ordine Teutonico, in fidem Polonorum concessissent, ut & postea aliquoties; sed dictæ urbes nunquam compa-
tuerunt. Vid. Schuz. lib. IV. fol. 402.

XIX. Et sic patet non absolutum hic in Prussia Cruciferorum fuisse Imperium, adeoque non obtinuisse aliquam hic Reipubl. simpliciter ita dictæ speciem, utpote quæ non patitur superiorem. Videndum tamen est, quænam huic Provinciæ aliquo modo adaptari possit forma. Licet enim ei in stricta significatione Reipubl. nomen non competit, competet tamen eidem in latiori aliqua significatione. Hoc verò cognoscemus, si modo consideraverimus, quam hîc inferiorum ratione Magister generalis habuerit potestatem. Hæc verò nimium quantum fuit limitata, non tantum respectu Ordinis sui, sed & respectu incolarum hujus Provinciæ. Quod enim primo loco *Magistros Provinciales* per Germaniã, & Livoniam aliasq; Provincias concernit, illi præterquam quoad Electionem Magistri generalis ad mittebantur (de quo Vid. Consuetud. Ord. num. II. Schuz. lib. VIII. fol. 361. Waissel. pag. 172.) habebant insuper in causis gravioribus Prussiam concernentibus votum suum. Schuz. lib. IV. fol. 144 a. Conf. lib. VIII. fol. 362. b. Qua de causa etiam Magistri Provinciales aliquando in Prussiam veniebant, quando Capitulum generale habebatur. Schuz lib. IV. fol. 143. b. Privilegia quoque Prussica subsc ribebant. Vid. Schuz. l. IV. fol. 154. a. Et in Pactis Polonorum cum Ordine ratione Prussiæ initis expressè obligatur Magister & Ordo Teutonicus

cus in Prussia, ut Magistrum Provinciale per Germaniam
cò adducant, quo & ipse Pactis illis sigillum suum appendat,
apud Jan. Januszovium lib. VII. Constit. Part. III. tit. 1. fol.
836. Deindè respectu Præceptorum Prussiæ rursus non parum
limitata fuit Magistri generalis potestas. Non poterat ille
Magistrum Provinciale in Germania & Livonia constitu-
ere sine consensu Ordinis. Eligebatur enim Magister Provin-
cialis in Capitulo Ordinis. Consuetud. Ord. num. XI. Waissel.
p. 92. b. Episcopos etiam Warmienses non eligebat Magister,
sed hæc potestas penes Capitulum Canonorum semper fuit,
ita ut etiam non denuntiata Magistro morte prioris Episcopi,
potuerint Canonici alterum in defuncti locum sufficere.
Schuz. lib. VIII. fol. 374. b. Deindè Præceptores quinque Ma-
jores, ut & Castellani Starkenbergensem non nisi in Ca-
pitulo Ordinis eligere solebat Magister. Alia Officia mino-
ra poterat cum suis Consiliariis conferre fratribus. Vid. Con-
suetud. Ordinis num. XI. pag. 131. seq. Porro Magister ex-
teros Magistros Provinciales invisens, si aliquem graviter de-
linquentem invenerat, potuit quidem cum Consilio fratrum
præsentium Magistrum illum remove, aliumque substi-
tuere, ita tamen, ut ad Capitulum reversus novum illum Ma-
gistrum commendaret, ut aut confirmaretur, aut à Capitulo
alius surrogaretur. Si verò Magister eam rem ad Capitulum
deferre negligebat, poterat Capitulum etiam sine consensu
Magistri alium præficere. Consuetud. num. XVI. Neque in
potestate Magistri erat pro lubitu in unam vel alteram Pro-
vinciam excurrere, & Vicesgerentem pro lubitu relinquere,
sed ad hoc requirebatur Consensus fratrum. Consuetud.
Ord. num. XV. Imò ne fratrem quidem alium Magistro li-
cebat in alias Provincias mittere sine consensu Præcepto-
rum Majorum aliorumque Fratrum. Ibid. num. XVIII.
Quid

Quid? quod ne ad privata quidem negotia expedienda fratrem peregrè abire volentem poterat Magister dimittere sine Consensu aliorum. Ibid. num. XVI. Porro thesaurus non fuit in potestate unius Magistri. Ad thesaurum enim unam clavem habebat Magister, alteram Magnus Commendator, tertiam Thesaurarius, adeò ut unus eorum sine cæteris duobus thesaurum aperire non posset. Administratio itaq; thesauri erat penes Magistrum, Præceptores quinque superiores, Commendatorem minorem, unum Sacerdotem, unum fratrem non Equitem, aliosque quos Magister sibi adjungere volebat ad hoc negotium. Ibid. num. XII. Hæc & alia Vid. in Consuetud. Ord. à Num. X. ad XX. Tandem in omnibus constitutionibus requirebatur Consensus Episcoporum Prussicorum. Schuz lib. V. fol. 191. b. Nec non aliorum Commendatorum. Vid. Leges Ludovici ab Erlichshausen in antiquo Codice MS. pag. 114. b. Et ob hanc etiam rationem ab ipso Magistro vocabantur, *Præceptores* (*Gebietiger*) imò etiam *Compræceptores* (*Mitgebietiger*) Imò tanta fuit Præceptorum illorum potestas ut etiam potuerint Magistrum generalem dignitate suâ privare. Constituit enim Gotofred. C. ab Hohenloh Magister Xlmus in Capitulo Venetijs habito, ut si Magister à Capitulo citaretur, neque ad tertiam citationem compareret, dignitate privaretur. Vid. Leges hæc in Cod. MS. pag. 78. b. Contigit id Ludolpho Rönig, Henrico Reussio à Plauen, Sternbergio & Paulo Bell zero Magistris, qui omnes ab officio remoti sunt. Vid. Waissel. pag. 141. & 145. & alij. Nihil itaque fermè Magister statuere potuit sine Capitulo. Habebatur autem Capitulum singulis annis loco commodò mense septembri in Festo Exaltationis S. Crucis. Ubi etiam omnes Præceptores Majores qui à Magistro & Capitulo dignitatem suam acceperant, officia

. sua

sua resignabant, illa denuo à Magistro & Capitulo recepturi. Idem faciebant & alij Magistratus minores post Capitulū habitum coram Magistro & alijs, quos Magister sibi adjungebat. Consuetud. Ord. num. XXI. In Consultationibus Capituli pluralitas votorum obtinebat. Si verò prorsus inter se discordarent, tum judicio Magistri acquiescere jussi sunt fratres. in Regula num. xxv i.

XX. Tandem si *incolas Prussia* consideremus, neque illorum respectu absoluta fuit Magistri potestas, Statim enim à primo Cruciferorum in Prussiam ingressu varia Privilegia fuerunt Prussis concessa, quibus potestas Magistri & Ordinis jam limitabatur. Idque factum est eo fine, ut illà libertate allesti Veteres Prussi jugo Cruciferorum humeros sponte subjicerent, religionemque Christianam susciperent, deinde etiam, ut Germani eò frequentiores in Prussiam commigrarent, eamque diligentius excolerent. Inter illa Privilegia maximum est *Privilegium Culmense* ab Hermanno à Salza Magistro generali, & Henrico à Balke Magistro Prussie Provinciali, Incolis An. 1233. concessum. In eo namque, ut alia præteream, Prussis immunitas ab omnibus vectigalibus concessa est. Renovavit illud Privilegium, An. 1251. Eberhardus de Seyne Præceptor domus S. Mariz Teutonicorum per Alemmanniam & Vicesgerens Magistri generalis per Livoniam & Prussiam. Vid. Privileg. Pruss. fol. 1. seqq. Alia multa privilegia incolis tum fuisse concessa, non est, quod dubitemus. Cum verò, crescente Ordinis insolentiâ, Privilegijs quoque Prussicis derogare Cruciferi cœpissent, multæ fuerunt turbæ excitæ, donec tandem An. 1414. primò constitutum est sub *Michaele Kuchmeistero à Sternberg*, ne Magister cum Præceptoribus haberet potestatem statuendi quidvis pro lubitu, sed ut in gravioris momen-

ti rebus *Consiliarios* sibi adjungeret, quatuor fratres Ordinis, decem præcipuos ex Nobilitate, & ex Dantiscana, Thorunienſi, Elbingenſi, Regiomontana & Culmenſi urbibus binos Senatores, ſine quibus nihil in juribus Majestatis exercendis ſuſciperet, ut habetur apud Schuz lib. III. Chron. Pruff. fol. 108. b. Henneberg fol. 303. Waiffel. pag. 140. b. Sub *Paulo Bellizero à Ruſdorff* Succellore Sternbergii conſtitutum eſt à Magiſtro, Prælatiſ, Nobilitate & Civitatibus Anno 1430. Elbingæ, ut *Conſilium Pruſſicum* conſtituerent, Magiſter generalis, ſex Præceptores ſive Commendatores, ſex Prælati, Sex Provinciales (die von Landen) ſex civitatenſes (die von Städten) ſine quibus nihil graviorum negotiorum belli pacisque tempore ſuſciperetur. Hi autem Aſſeſſores ut eligerentur à Magiſtro & Statibus Pruſſiæ. Conventus horum Conſiliariorum ut quotannis commodo loco & tempore ageretur. Schuz. lib. III. Chron. fol. 117. ſeq. Porro An. 1433. idem Paulus Bellizer à Ruſdorff elegit ſibi in *Conſiliarios ſuos intimos* præter fratres Ordinis, etiam quatuor ex Nobilitate Pruſſica. Poſtulavit etiam ut quidam in eundem ſecretiorem Senatum ex Urbibus ſibi concederentur, quod tamen Urbes recuſarunt. Eâ tamen conditione illi Conſiliarij ex Nobilitate fuerunt admiſſi, ne quid in gravioribus negotijs, ut in bellis, foederibus &c. decernerent ſine conſenſu omnium Statuum. Schuz. lib. III. fol. 119. b. Ex eo quoque tempore bella ſuſcepta, ut & foedera Magiſtri cum exteris Principibus ſine Conſenſu omnium Statuum pacta, irrita fuere pronunciata. Vid. Privileg Pruff. fol. 16. b. fin. Schuz lib. IV. fol. 136. l. b. V. f. 185. pr. & 188. b. Abdicationes quoque Magiſtrorum aliorumque Ordinis membrorum ſine omnium Statuum conſenſu fieri non potuerunt. Schuz. lib. V. f. 185.

XXI. Ex dictis jam patet, quæ libertas Prussis fuerit illis temporibus ab Ordine Teutonico concessa. Sed & maiores fuisse Prussis immunitates concessas, colligere licet ex illorum temporum Historia. Nam quædam etiam, quæ aliàs ad *Majestatis jura* referuntur, illis competisse dicuntur. Primò enim licitum fuit Nobilitati & Civitatibus peculiares *convensus agere*, licet consensus Magistri non accesserit, quod etiam sibi concedi postulabant Status Prussæ Regiæ, postquam se Regibus Poloniæ subiecissent. Vid. Schuz. lib. IV. fol. 136. b. & lib. VIII. in pr. Huic tamen & antea opposuerunt se Cruciferi, nullatenus ipsis hoc de jure competere dicentes. Vid. Schuz. lib. IV. f. 136. & 177. Deindè Status Prussæ sub Ordine Teut. potuerunt inter se *Collectas* in Conventibus à se institutis sine Consensu Magistri & Ordinis exigere. Schuz. lib. IV. fol. 179. b. Cui consuetudini itidem contradixerunt Cruciferi. Porro *in jure judiciorum exercendorum* magna itidem fuit Prussorum libertas. Dicitur quidem Henricus sive Winricus à Kniprode instituisse Mariæburgi Consistorium quoddam, quod constabat ex aliquot JCTIS. Hi causas Sacras & Civiles eò devolutas judicabant, sed quousque se horum jurisdictio extenderit, divinare non possum. Vid. Schuz lib. II. Chron. fol. 73. b. Aliàs sic sese judicia in Prussia habuisse legimus. Usi sunt Prussi jure municipali quod *Culmense* vocatur. (Solæ *Elbingensis, Brunsbergensis & Fraumburgensis* civitates *Lubecense* amplexæ sunt, vel se cum fortasse attulere, adeoque hi peculiare aliquid habuerunt. Vid. Cromer. l. 2. Descript. Pol. p. 216. & 228.) Quando causa non potuit in urbibus decidi, appellationes instituebantur ad judicium *Culmense* (an den Schöppen Stuhl zu Culm) ubi controversiæ finiebantur sine ulteriori appellatione ad judicem superiorem. Postquam verò
Cul-

Culma varijs hostium irruptionibus fermè fuit diruta, iudicium quoque illud dissipatum, mansit iudicium supremum in singulis Civitatibus sine ulla Provocatione; tandè verò Appellationes fuerunt concessæ ad commune *iudicium Statuum Prussie*. Schuz. lib. IX. fol. 443. *Judicium illud generale*, cuius modo mentionem fecimus, institutum fuit ab ipso Magistro, Episcopis, Prælati & alijs Ordinis Teutonici membris, antequam Prussi scædus contra injurias Commendatarum pepigissent. Leges dicti iudicii fuerunt, ut quotannis commodo loco & tempore celebraretur: Assessores ejus essent sedecim, nempe quatuor ex Ordine, quatuor ex Prælati, quatuor ex Nobilitate, & quatuor ex Urbibus. Vid. Schuz. lib. IV. f. 142. a. & lib. V. f. 186. b. seq. Huic iudicio deindè Cruciferi constanter contradixerunt, præsertim cum ab ipso et am Magistro ausi essent quidam ad illud appellare. Schuz. l. c. Quando verò Fratribus à Statibus Prussie obiciebatur, illud iudicium ab ipso Magistro & ejus Præceptoribus esse institutum; respondebant, illud factum esse casu necessitatis urgente, ut hoc modo Nobilitas & Civitates placarentur & ad obsequium Ordinis revocarentur. Schuz. lib. V. fol. 192. & 444. Hæc libertate suâ freti Prussorum Legati, ausi sunt coram Imperatore, cum tempore Ludovici ab Erlichshausen causam in iudicio Cæsaris agerent, palàm dicere, se minus esse obligatos Ordini Teutonico, quam Principes Imperij Germanici suo Imperatori Cæsari. Schuz. lib. V. Chron. Pruss. fol. 190. Et hæc fuit Regiminis Prussici facies à primo Ordinis Teutonici in Prussiam ingressu, usque ad Ludovicum ab Erlichshausen XXVIII. Magistrum Prussie Generalem, sub quo post bellum 13. annos gestum dimidia Pars Prussie An. 1466. Regibus Polonie celsit. Ab ipsis
G itaque

itaque Ordinis Teutonici in Prussia primordijs obtinuit Respublica ex Monarchia & Aristocratia mixta. Tum enim temporis Magister cum Praeceptoribus suis Rempublicam administrabat; cum autem graviores causae erant decidenda, Capitulum generale habebatur. Deinde sub Michaelē Sternberg o & paulo Belzero non modò magis coepit imperium Prussicum ex Regno & Aristocratia mitteri, cum & Nobilitati Prussicae datus esset locus in Consilio Magistri, sed admisceri quoque coepit Politia, cum & Ordo civicus votum in Consilio Provinciali accepisset, ut ex supra dictis manifestum est.

XXII. Sed postquam Prussia sub Ludovico ab Erlichs hausen XXVIII. Magistro Prussiae ad Regem Poloniae Casimirum IV. Jagellonidem An. 1453. defecisset, mutata est prorsus rerum facies in ea parte, quam recuperare non potuerunt Cruciferi. Statim enim An. 1454. cum Consilio Praelatorum, Consiliariorum & Civitatum majorum Prussiae, ex Nobilitate Prussica constitutus est à Rege *generalu Prussiae Gubernator* Johannes à Baysen, qui nomine Regio Prussiae praesedit. Adjuncti ipsi fuerunt more Polonico quatuor *Palatini*: Culmensis, Regiomontanus, Elbingensis & Pomerelliae. Schuz lib. V. fol. 203. pr. Palatinis additi fuerunt tres *Castellani* Culmensis, Elbingensis & Gedanensis. Cromerus lib. XXVII. pr. Neugeb. lib. VI. pag. 387. Septem itaque vota habuit Nobilitas Prussica in Senatu, septemque alia Civitates. Sed cum Regiomontum durante bello ad Ordinem redisset, imminuta fuerunt vota. Schuz lib. V. fol. 206. Introducti etiam sunt insuper loco Commendarum varij Capitaneatus, quorum praecipuos obtinuerunt ipsi Palatini. Haec fuit regiminis forma, in ea parte Prussiae, quae Regierat

rat subiecta bello durante; Cum verò An. 1466. pax inter Regem Poloniae Casimirum & Ludovicum ab Erlichshausen inita, & Prussia in duas partes divisa esset, substitutus est Regio montano Palatinus in Prussia Regia Palatinus Marienburgensis, cui Joannes à Bayen abdicato Gubernatoris generalis titulo, praefectus est. Schuz. lib. VII. fol. 333. Post hæc An. 1468. cum Rex Casimirus ipse in Prussiam venisset, addidit Senatui Prussico tres *Succamerarios*, quos Poloni limitum iudices appellant. Constituit enim in singulis districtibus more Polonico *judicia terrestria*, in quibus causæ Nobilium disceptarentur. Schuz. fol. 336. In his judicijs terrestribus octo Scabini sive Assessores possessionati, Nobiles, Indigenæ judicare iussi sunt causas eò delatas: In Palatinatu verò Culmensi ex Consulari etiam Ordine Civitatis Thorunienensis duo Assessores electi sunt, in numerum illorum octo Scabinorum referendi, quod etiam, ut & imposterum fiat, cautum est in Jure Terrestri Nobilitatis in Prussia Regia degentis, An. 1598. correcto. Vid. Jus illud correctum tit. V. §. 21. Accesserunt deinde Senatui Prussico in parte Regia *duo Episcopi*, Warmienensis & Culmensis. Et quidem Culmensis per publica Pacta An. 1466. Subiectus est Archiepiscopo Gnesnensi ut Metropolitano suo. Vid. Januszov. lib. VII. Const. Part. III. tit. 1. fol. 374. Et Privileg. Pruss. fol. 23. b. Warmienensis autem ne nunc quidem agnoscit Metropolitanum, sed immediatè subest Pontifici Romano. Hos Episcopos, Palatinos, Castellanos & Civitatum Deputatos voluit Rex statim conjungere cum Senatu Regni Poloniae, ita ut Consiliarii Polonici, Lithvanici & Prussici unum constituerent Regni Polonici Senatum, sed, ut de Lithvanis modò nihil dicam, nulla ratione adduci potuerunt, ut in hoc con-

sentirent, sed semper Regi occinebant, sese habere Privilegia pecuniaria, consuetudines etiam pecuniarias, neque possent in id consentire, ut cum Senatu Polonico sese conjungerent, vel cum Polonico regno unam constituerent Rempublicam. Quare semper à Rege contendebant, ut Rex de salute Prussie consultaturus in Prussiam ipse veniret, ibique cum Senatu Prussico consilia conferret: abiturus verò in Poloniam, ut Gubernatorem Prussie ex Indigenis constitueret. Schuz. lib. VIII. f. 346. More itaque antiquo Senatores Prussici conventus suos instituebant, etiam in scio Rege, quod tamen semper fuit à Senatu Regio, ut & Episcopo Warmiensi improbatum. Vid. Schuz. lib. IX. f. 420. b. 421. 448. 476. b. Contributiones, si quæ in Polonia scisccebantur, Prussi se non teneri aliorum decretis causati, suæque privilegia obtendentes, nihil ad extraordinarias contributiones conferre volebant. Schuz lib. VIII. f. 372. b. fin. seq. & f. 381. a. fin. Sensim tamen eò fuerunt adducti ut Senatum Regni Pol. ingrederentur. Primus ex Prussicis Senatoribus, qui in Polonico Senatu locum cepit est Episcopus Warmiensis, quem secuti sunt alij, forsàn sub Sigismundo Augusto, ut colligitur ex Schuz. l. IX. fol. 421. Januszov. lib. 7. Constit. Part. 7. t. 1. f. 1008 Cromer. lib. 2. Descript. Polon. p. 221. seq. Circa judicia & Appellationes etiam sua jura prætendebant Prussi, neque Appellationes ad aulam Regiam admittere volebant. Tandem An. 1521. admittere easdem coacti sunt, exceptis causis criminalibus alijsque specialioribus casibus. Vid. Schuz. lib. X. fol. 479. Salomon Neugebauer. lib. VII. Hist. Polon. pag. 496. Suscipiebat autem Aula Regis Appellationes ex Prussia usque ad tempora Sigismundi III. ut patet ex Jan. Januszov. lib. VII. Constitut. Part. III. tit. 3. fol. 534. ubi Rex Sic.

Stephanus jubet, ut causæ Prussicæ non à Tribunali recens in-
stituto, sed ab ipso Rege judicentur. Sed sub Sigismundo III.
An. 1589. coeperunt causæ Prussicæ ad Tribunal Petricovi-
ense trahi, ad quod Prussi etiam suos Deputatos mittere iussi
sunt. Joan. Januszov. l. c. tit. IV. Sed manum de tabula. Re-
centiora enim tempora hic attingere nobis non proposui-
mus.

XXIII. Sed & in ea Prussicæ parte, quam Ordo Teutoni-
cus retinuit, plurima sunt mutata. Quod enim Ordinis Ma-
gistrum attinet, ille post bellum tredecim annos gestum his
conditionibus cum Rege Poloniæ Casimiro Jagellonide
Ann. 1466. pacem fecit: ut partem Prussia Magister Ordinis
& Cruciferi sibi haberent, eà lege ut semper sint in fide &
clientela Regum Polonorum, idq; solenni jurejurando quicum-
que Magister Ordinis deinceps unquam creatus esset, intra
sexmensem per se ipse ad Regem veniens profiteretur:
servaturus omnia quæ tunc convenissent, neq; ullaterviver-
satione & relaxatione cujusquam sive absolutione à jureju-
rando ne ultro quidem oblata usurus, essetq; is Princeps &
Senator Regni & ad laevam Regis primum in Consilijs locum
ac Confessibus publicis haberet: Primarij quoq; Commen-
datores quos Magister eaderet, ut & ipsi Consiliarij Regis es-
sent. Ne cujusquam Cruciferi præterquam Regis majesta-
tem & jurisdictionem (salvâ Pontificis Ecclesiasticâ jurisdic-
tione) agnoscerent. Et verò contra quemvis hostem ad es-
sent, nec cum in adversis juxta ac prosperis desererent. Vid.
Neugeb. lib. VI. Hist. Polon. pag. 385. Privileg. Pruss. fol. 21
seqq. In Ordinem Magister Generalis eandem potestatem,
quam antea habuerat, retinuit, illo tantum excepto, quod
per eadem Pacta Poloni, ut & alijs regia ditionis homini-

bus ad professionem Ordinis pateret aditus, dummodò q̄ di-
midia parte non excederent Germanos, eorumq̄ etiam in Ma-
gistratibus & curationibus mandandis ratio haberetur.
Commendatoribus etiam potestas fuit adempta Magistrum
pro lubitu removendi. Vid. Neugeb. Januszov. & Privileg.
Prussica II. cc. Alias Officia Ordinis eadem manserunt, nisi
quod Hospitalarius Supremus & Trapiarius alias sedes, quam
quas antea habebant, accipere coacti sint. Deindè à Frideri-
co Duce Saxon. penultimo Ordinis Magistro Commendæ
Brandeburgensis & Balgensis fuerunt abrogatæ, substitutis
tantum loco Commendatorum Advocatis; idque eò sine
factum est, ut reditus ex duabus his Commendis Aulae Magi-
stri sustentandæ cederent. Thom. Waissel. pag. 260. b. Reli-
qui Prussiarum incolæ post ea tempora in quibusdam majori-
bus aucti sunt ab Ordine Privilegijs, in quibusdam etiam li-
bertas ipsorum fuit imminuta. Conventus sine scitu Magistri
ipsis agere prohibiti. Collectas inter se, pacatis jam rebus,
exigere nulla exigebat necessitas. Quæ fuerit iudiciorum
ratio jam antea dictum est. Quamvis Regiomonti appella-
tio fuerit concessa ad Commendatorem Arcis Regiomon-
tanæ, ut & ad Commendatorem magnum & tandem ad
ipsum Magistrum generalem, ut apparet ex Chronico Joannis
Freybergij MS. ad An. 1420. fol. 107. Post divisionem au-
tem Prussiarum Supremum Tribunal Culmense (das Gericht
des Ober-Colms) fuit translatum Regiomontum, illudq̄
jus Senatui Palæopolitano fuit ad tempus donatum, donec
Cruciferi, ut sperabant, reliquam Prussiarum partem Regi Polo-
niæ subiectam recuperarent. Appellationes itaque in causis
Civilibus ad Senatum Palæopolitanum ex oppidis Prussiarum
Ordini subiectis instituebantur. Sed hoc iudicium deindè vi-

delicet An. 13517. fuit in Aulam translatum sub D A'bero ultimo Ordinis Teutonici Magistro. Vid. Johan. Freiberg. in Chron. fol. 285. & 286. pr. Quod Gubernatores Prussiz in absentia Magistrorum concernit, de illis sequentia notamus in Scriptoribus nostris. Cum A'bertus Marchio Brandeb. inconstitulis Prussiz Ordinibus in Germaniam abiisset, constituit Gubernatores *Ericum Ducem Brunsvicenssem, Iobum Episcopum Risenburgensem cum aliis Senatoribus ex Ordine Teutonico*. His videntur Ordines Prussiz contraxisse, donec eandem Alberto promiserunt, quoscunque ille Gubernatores & Provincia Regentes constituturus esset, illis se obedientiam prstituros. Indè Albertus ad Regem Poloniz proficiscens Regentes constituit *Episcopum Sambienssem, Ericum Ducem Brunsvicenssem, Marchionem Wilhelmum fratrem suum, Sunnonem à Drahe magnum Commendatorem*, Alio adhuc tempore abiens Regentes constituit *Episcopum Sambienssem, Commendatorem Magnum, Georgium Truchsessum & Thalheimium Commendatoris arcis Regiomontana Vicesgerentem, ut & tres Consules Regiomontanos, nec non quosdam ex Scabinis & plebe*. Sed electi ex Ordine Civico Regentes nunquam ad Consilium fuisse vocati. Tandem cum Albertus quatuordecim annos in Germania abesset, Gubernatores fuere constituti *Episcopus Sambiensis, Commendator Arcis* alique. Quæ omnia habet Johannes Freiberg in Chron. fol. 288. b. 328. 348. 374. Ex quibus iterum apparet Rempubl. Prussicam post divisionem etiam fuisse ex Statu Regio, Aristocratico & Popularem mixtam.

XXIV. Quamvis verò Pax inter Regem Poloniz Casimirum & Ludovicum Erlichshusium Magistrum Ordinis
An.

An. 1466. constituta esset, malè tamen hoc habebat Magistros subsequentes, qui omnibus nervis contendebant, ut iugo Polonico excusso reliquam Prussiarum partem recuperarent, Hinc factum est, quod Henricus Plavenius & Martinus Truchsessius nonnisi necessitate adacti præstiterint Regi juramentum. Et ut eò facilius Polonico imperio seisc subtrahere posset Martinus Truchsessius, dedit se propterea in clientelam Regi Hungariæ. Ex eadem ratione Ordo sibi in Magistrum elegit Fridericum Saxoniarum Ducem, ut domum Saxoniam sibi devinciret, promptioremque redderet, ad auxilia sibi contra Polonos mittenda. Hic Fridericus etiam nunquam Regi Poloniae juramento se obstrinxit. Illo deinde è vivis sublato successus est Albertus Marchio Brandenburg. qui in Magistrum Ordinis Teutonici electus omnibus viribus Poloniae Regibus sese opposuit. Quapropter, ne nervus rerum gerendarum deficeret, accepta à Walthero Plettenbergio Magistro Provinciali Livoniæ certâ pecuniæ summa, quam in bellum Polonicum impenderet, Magistrum illum An. 1513. planè liberavit. A quo tempore Magister Livonicus immediatè Imperatori subiectus, factus est Imperii Princeps. Dav. Chytræus in Saxon. Sed frustra hæc molimina fuerunt omnia. Gestum est bellum, eo tandem eventu, ut Albertus Marchio, Comite Eisenburgio rem in felicitate ad Dantiscum & Elbingam gerente, tandem speratis frustratus auxiliis. Anno 1525. his conditionibus cum Rege Sigismundo I. transigeret; ut *Albertus Prussiarum partem Orientalem, quam nunc Ducalem appellamus, jure hereditario, (possit Ordinis insignibus, habitu & nomine) titulo Ducis secularis obtineret, sed Regio Imperio ut Vasallus, simul cum Provincia subesset, eosdem cum Polonis amicos hostesq. desin-*

deinceps haberet, centum Equites Regi contra hostes in auxi-
lium mitteret, primum in Senatu Regio in Consilijs, Terra-
rum Comitib; & publicis conventibus locum obisneret: Si
Rex Ducem, aut contra, Dux Regem convenire vellet in cau-
sis ipsorum personam concernentibus, tum Rex Consiliarios
quosdam Marienburgum aut Elbingam missos juramento quo
Regi adstringuntur, absolveret & alio juramento ad justè
judicandum obstringeret eorumq; judicio utraq; pars acquie-
sceret: Si verò quis ex Subditis Ducis actionem Duci inten-
dere vellet, ut Consiliarij Regi & Ducis pari numero conve-
nirent, remq; juramento ut priores illi obstricti, dijudicarent:
Si tandem extraneus aliquis contra Ducem actionem insti-
tuere vellet, ut hoc faceret in judicio Ducali, ita tamen ut
provocatio concederetur ad Consiliarios Regis Marienburgum
à Rege propterea mittendos. Nulla selonea nova vel alia
gravamina contra antiquam consuetudinem in Prussia insti-
tuerentur &c. &c. Vid. Jan, Janusz. lib VII. Constit. Part. III.
tit. 1, fol. 9 13. seqq. Et Privileg. Pruss. fol. 34. seqq.

A Ntiquos Patriæ fasces, veteresque Regentes,
Et magnæ Heliadum numina prima domus,
Rippi, noster amor, contractis mortibus ævi
Eximis, atque novâ luce nitere jubes.
Nil his rudibus, nihil illis gratius umbris;
Quin & tutius est, crede, vetusta loqui.
Nec cælus labor iste tibi; dum Sceptra Parentis
Narras, sis Sparta Prologus ipse tuæ.

Sc. gratulab.

M. J. Rölingius, PP.
& Elect. Al. Insp. pr.

H

Ne-

Nescio quæ miseras capiat dementia mentes,
 Illa quibus tantum quæ peregrina placent
 Mirantur multi Trojam, gentemque Togatam,
 Mirantur Grajos Niliacosque Patres.
 Quæque dedit Natale solum, contemnere mos est,
 Sunt multis casâ vix ea digna nuce.
 Tu Patrios, Rippi, gaudes evolvere fastos
 Atque cupis Patrij res celebrare soli.
 Applaudo; sic namque tuo præludis honori,
 Quem tibi pro meritis Patria grata parat.

PRÆSES.


† Type est Patriis patrias non noscere Leges: †
T Noscere SE, PATRIAM RIPPIVS hisce probat
 Magna patent, majora latent, ast summa sequentur;
 Noscet TE Mundus, Fama Virumque canet.


† L. 2 §. 43. D. de
 Orig. Jur.

Amico suavissimo Img. applaudis
 JOH. ALBERTUS a Kreyßer.

Quæ fuerit quondam Prussorum forma regendi
 RIPPIUS exadè discutit historicè.
 NOS nova forma beat MAGNI sub PRINCIPIS umbra
 Unius Imperium Patria nostra tenet.
 Hâc primum Populi Reges curare salutem.
 Hâc pariter floret, publica nostra Salus.
 Pergito sic RIPPI, methodum speculari regendi,
 Ut tandem prosis, & patriæ atque Tuis.

Ita Generoso Dno. Respondenti gratulatur
 HENRICUS à Wallenrodt.








Christophorus Wölfgangus.

C. D.
dissertatio historica
de
viginibus Prussicis, quam
consentientibus superioribus praeside
M. Christophoro Karknoch prusso.

Regiomonti.
Typis Friderici Reusneri, ser. Elect. Brand.
1674.

8^o 1k.m. — A-A₃ — H. Br. numeraz

Broxura



Christophorus Wolfgangus.

C. D.

disertatio historica

de
Originibus Russicis, quam
consentientibus superioribus praeside
M. Christophoro Clerknoch prusso.

Regiomonti.

Typis Frederici Reusneri, ser. Elect. Brandenburg.
1674.

8°. 1k.m. - A-A₃-H. | Bz numerceji

Bronze

